

武陟縣志

辛未孟秋
開封許鈞署

武陽縣志目錄

第一卷

聖製

第二卷

目錄 脩志姓氏 採訪條例 凡例

第三卷

縣境圖 沁河圖 縣城圖 二十里甲圖

第四卷

衙署圖 學宮圖 書院圖 武廟圖 嘉應觀圖

第五卷

正陽縣志 卷二
紀事沿革表

第六卷

職官表

第七卷

選舉表

第八卷

疆域志

第九卷

山川志

第十卷

風俗志

第十一卷

物產志

第十二卷

祥異志

第十三卷

田賦志

第十四卷

河防志

第十五卷

建置志

第十六卷

學校志

第十七卷

祠祀志

第十八卷

兵防志

第十九卷

古蹟志

第二十卷

經籍志

第二十一卷

碑碣志

第二十二卷

文詞志上

第二十三卷

文詞志下

第二十四卷

名宦傳

第二十五卷

先賢傳

第二十六卷

耆舊傳

第二十七卷

孝友傳

第二十八卷

義行傳

第二十九卷

忠節傳

第三十卷

隱逸傳

第三十一卷

流寓傳

第三十二卷

方術傳

第三十三卷

列女傳

第三十四卷

釋道傳

第三十五卷

志餘

第三十六卷

敘畧

陽州縣志卷之五 藝文志
陽州縣知縣王藻澤纂輯

聖朝不封矣所謂列女之行其知義能詞敦勗成業者上
德操色令信連慈不息者次也至於矢咏柏舟專志精白
鴈書終老破雨共渝此則遵命之不辰婦人之終節而堅
臨之至道可感神以著日月以綽楔表揚著於令典
聖朝八極風化舉博議知恥此戶可封中閨節烈可傳
不虛知武陟一邑之風百代之青冰與自守合於 旌例

遠不數百人豈非僭竊人屬應教所漸之效哉處艱蹈
貞視之若庸行焉固其堅乎然而山夫人之卓識遠度尤
全乎載下有餘矣

晉

山濤妻韓氏山公與嵇阮一面契若金蘭夫人覺公與二
人異於常步問公公曰我當年可與爲友者惟此二人耳
夫人曰負羈之妻亦親數屢趙竇之可乎他日二人來勸
公並之宿具酒肉夜穿墻以視之豈日忘返公入曰二人
何如曰羈才致殊不如正常以識度相友耳公曰伊輩亦
豈以我度爲勝

世說注又引王隱晉書曰韓氏有才識海
未仕時載之口聖賢素當作三公不知期

地爲夫
人不耳

宋

陳寬甫妻胡氏年二十三夫亡一子時在襁褓撫育成立
年九十而終

元

孝子蕭珩妻郝氏珩以居喪羸瘠卒氏年踰二十即歸
無生意未幾亦亡

明

鄭恭王繼妃王氏邑人王天敘女也王以建言獲罪
伴行躬運薪水王慰止之妃曰夫貴妻榮夫困妻憂

祭錮一十六年隆慶初釋王復爵道經武陟王命妃拜其家祠妃曰未謁慈姑先私父母非禮也王益重之歸國三月病逝王念妃共患難芳淑未彰請贈爲繼妃疏凡七上竟得俞允

鄭世孫夫人申氏邑人申蛟女也萬歷十三年以賢獲選勤脩婦儀告其姑曰祖爲賢王讓國若敝屣而吾身服珠玉玷高風矣槩屏不用賢淑聞於當時

鄭王妃劉氏王故無爵娶劉氏爲配後受鄭世子讓國冊封劉爲王妃冊文有曰靖共婦儀克勤內助國人以爲實錄官其父應楨爲兵馬司指揮

鄭世子繼妃杜氏吏員完寶女崇禎元年應選性貞靜不喜華靡雖居藩室服用宛若寒素國人賢之

關備妻石氏孝親字孤鄉里賢之

庠生王璠妻趙氏璠早亡慟哭不已六日不食而死後其孫一元死妻李氏亦以身殉督學楊公表其門曰雙節

廩生穆珣妻薛氏于歸方二載珣卒遺腹生子撫養成立孝事舅姑終無二志壽八十餘終直指吳公旌其門

金銳妻李氏銳卒李卽自縊直指吳公扁其門曰貞烈

張小二妻鄭氏十七適小二越兩年夫歿一月後生一子

鄉人有謀娶者峻拒之初織養姑終老孀居年六十三卒

李景妻張氏李宏妻趙氏皆夫亡守志建有雙節坊

屈淳妻趙氏年二十一夫亡遺孤甫十月紡織事翁姑教子業儒成博士弟子員直指張公表其門

賈鶴年妻呂氏夫亡家貧撫孤成立守志靡他及其子婦等三世孀居並稱完節直指張公給扁旌之

毛鳳詔妻荆氏年十七適鳳詔甫十月而夫卒遺腹生子撫養苦守年六十有四卒奉旨旌

舉人穆永吉妻郝氏相隨會試夫卒京邸哀慟絕粒竟以身殉事聞賜乘傳還葬

張聞行妻王氏嫁二載夫亡奉舅姑撫遺孤垂老不二人

以爲難

庠生王脩妻趙氏脩卒氏方二十二歲無子息謝絕親戚
閉門守節六十餘年督學周公旌其門

王氏歲貢衢之女適脩武生員薛復亨夫病篤與王訣曰
吾祈神代母幸獲安死亦何恨汝能善事姑乎王泣曰君
代母成孝妾豈不能爲君全節夫亡哀毀骨立欲以死殉
翁姑使老媪密防之後稍怠卽縊死柩側距復亨之死方
八日也事聞詔建孝節坊於其門

劉慥妻朱氏慥青年卽逝遺孤二歲朱爲撫之教以業儒
竟至成立壽八十終奉旨旌

劉東陽妻趙氏夫亡氏年二十四紡織事翁姑畧無異志
壽七十二督學周公給扁獎之

荆衍祚妻李氏年十七歸衍祚婦道脩謹事翁姑以孝聞
未幾夫故或勸之嫁卽哀痛無已葬畢引繩自縊詔建節
烈坊以旌之

孫恩妻王氏恩故遺二子氏托夫弟志德同居撫育四十
年家業不替邑人稱賢

魏季姐幼字於王時宦時宦殤父更受聘季姐伏劍死郡
司理趙公元吉請直指袁公題旌其門建烈女坊

陳三友妻孫氏夫遭犬齧而斃孫哭之慟卽投繯屍側

李琴妻和氏琴亡和年二十二守節五十八年琴仲弟春
季弟秋亦皆早故春妻劉氏守節三十六年秋妻孫氏守
節二十年妯娌同居茹苦忘貧以節相尙畧無閒言

申瓚妻廉氏歸瓚未數載而夫死堅志貞守撫孤子安成
立娶媳李氏無何安又早逝遺孤名可愛李上奉孀姑下
撫孱息延師訓讀躬自黽勉拮据生理致家益充饒旣而
可愛又早逝其妻朱氏亦矢志堅守一門三節閭里欽仰
守道朱公郡伯曹公先後給扁獎之

孫瓚妻白氏夫卒氏年二十有三遺孤維元撫育成立爲
邑廩生守節二十年卒

正陽縣志 卷三十三 五
生員李淳化妻張氏年十六歸淳化未及三載夫亡無子
貧幾不能自存氏守志紡績以度朝夕年七十終

王郡妻竹氏年二十九夫亡遺一子以中僅七歲氏守志
孝養翁姑教子讀書遂成名士膺歲薦服官有聲人以爲
慈誨之力享年八十郡守康公扁其門曰苦節生香

白養正妻毛氏年二十夫亡孀居四十餘載養子成立家
業不墜

宋宗義妻麻氏夫早逝氏年二十二子桂甫五歲氏飲冰
茹蘗甘心苦守桂成人能自立業氏含笑曰吾事畢矣孫
某官密縣訓導

孟三聘妻鄭氏三聘亡氏年二十七歲苦節五十八歲
孤子國政成立邑令王君表其門

據養心妻申氏吏目申可愛之女也崇禎壬申流寇突至
河北翁婿同時遇害氏曰婦所恃爲命者夫也夫旣亡矣
生也何益罵不絕口賊拔刃刺其舌立死閱三日賊退家
人殮之顏色如生

王運妻白氏年二十八歲夫亡所遺三女一子未幾長女
季女并子俱亡止遺仲女撫之成立事翁姑極其孝謹歷
二十年如一日壽五十二而終邑令嘉其節以柏舟遺風
之額表焉

劉仲媛劉應書女年十七流寇至自晉破清化至寧郭媛居寧郭西二里許不及避爲賊所執恐遭辱故詈之以觸其怒身被數創而死

李文蘭妻張氏聞流寇至遁入陶村登樓扃其戶賊四面圍之焚廬舍搜將及氏懼汚大聲呼曰傳語家人幸好收我骸骨遂赴火死

以上見康熙舊志

生員范黼妻張氏黼故氏苦節自守孝事翁姑撫育三子大成等皆成名天啓二年邑令劉公旌表完節

國朝

孟履端母朱氏享壽一百零六歲乾隆十八年查閱詳譜

具題奉 旨建功曰貞壽之門

監生王爾吉妻郭氏年三十孀居孝事舅姑生養死葬盡禮盡誠又好施予周濟貧乏乾隆六年 旌表

毛紹妻賈氏歸紹甫七月而紹亡氏痛不欲生念孀姑無倚忍死侍奉姑中年失明朝夕扶持不離左右姑歿哀毀盡禮殯葬從厚守節五十八年以壽終其姪景長等曾欲請旌堅辭未果至乾隆十年士民不忍氏之苦節純孝湮沒不彰公請 旌表

張貴友妻黃氏康熙四十年七月十四日晨往柿園有樊士登持刀逼汙氏堅拒之遂遇害次年 詔建貞婦黃氏

之坊

王省妻某氏年四十歲同姓弟私戲之遂縊死雍正四年

旌表

王星妻李氏因王英逼姦力拒遇害雍正七年 旌表

原清妻謝氏同里韓洪禮豔其色乘原晨出突入其家求姦氏厲聲號罵洪禮驚竄氏恚極投繯雍正十二年請

旌

韋瑄妻劉氏瑄物故氏年十九以從一自矢聞有人作媒令其改適卽閉戶自經死當事題請 旌褒

韋選妻劉氏年二十二孀居無所出舅姑憐其孤苦欲令

他道後歸者母又繼求其意此悲不自勝曰勿多言寔有
死而已釋服未幾引繩自縊邑令請旌

張煤山妻武氏年二十餘有戲辱之者遂縊死其遺屍經
數月不腐乾隆十八年旌

李某妻胡氏節孝建坊旌表

王世表妻張氏年二十二夫歿勞面截髮示不改節舅病
禱於神誓以身代子岐生教以義方事聞旌表

李來玉妻陳氏庠生陳所見女夫亡守節旣孝且慈奉
旨旌

職思武妻李氏夫歿年二十有三子宏中甫三歲撫孤守

節奉 旨建坊

庠生何大成妻李氏守節四十二年雍正十年題 旌

宋璉妻蕭氏年十九夫歿孝事舅姑紡織以供菽水通書
數義方教子勤儉持家遺孤成立入庠守節四十三年雍
正十年題 旌

韓端妻李氏夫亡無子誓死靡化奉事翁姑克盡婦道撫
姪爲嗣義方訓誨雍正甲辰邑令吳世祿旌其門曰貞比
霜操甲寅奉 旨建坊

宋大成妻李氏苦節奉 旨旌表

三名節妻何氏保定知縣何某女夫亡無子撫姪志曾爲

嗣後志曾娶賈氏未一年亦亡止一女姑媳孀居互相依
恃雍正九年何氏卒賈氏撫姪峻坊爲嗣乾隆三年公報
何氏節孝蒙 恩旌表十三年復報賈氏節孝亦蒙 恩
旌表

溫毓初妻郝氏結褵歲餘毓初病故氏年十有八歲養老
鞠孤紡績自給教子如玉列名庠序乾隆癸亥題 旌

馬開泰妻邢氏苦節三十九年乾隆癸亥 旌

生員宋允中妻朱氏朱震友結褵九載夫故氏年二十七
歲夫在之日相敬如賓勸夫力學奉事舅姑甘旨精潔及
舅姑繼逝氏經營喪事咸克如禮閨門嚴肅宗黨稱之守

節三十八年乾隆癸亥中丞雅公題請 旌表有青年矢志白首完貞之語奉 旨建坊

高從典妻翟氏乾隆十二年 旌

孟洪統妻何氏二十二歲夫亡孝事翁姑終始不怠家業

豐裕而紡織甚勤守節數十年 旌

宋廣著妻高氏年二十三守節奉親撫孤乾隆三十七年

旌

旌

崔瑾妻周氏瑾死氏年二十二歲堅貞自守事姑以孝撫

幼以慈守節五十八年乾隆癸酉 旌

王炎妻孟氏炎死氏年二十七矢志冰霜以代子職孝事

翁姑克盡婦道乾隆六年 旌

監生和肯稷妻徐氏節而孝夫故後刺面斷髮誓死靡他
攜三歲之子紡績織衽以事翁姑守節五十餘載乾隆壬
戌 旌

馬叢芳妻王氏乾隆十二年奉 旨建坊

王志曾妻賈氏幼嫻女訓相夫謹守禮法夫故之日欲以
身殉因孀姑衰老無依又遺孤方在襁褓矢志守節三十
二年乾隆丁卯 旌

王甫妻李氏乾隆己巳

旌以上二十九
人皆已 旌

王前士妻子氏邑庠生日耀女前士父文煥廩生病劇垂

死氏割股爲食啖之復甦署邑篆別駕仝公表其門

孫廷選妻張氏年十四于歸值姑田氏染病張晝夜奉侍
歷四載如一日姑病彌篤乃誓天割股爲羹以獻甫進一
匕而瘡病立起皆以爲誠孝所感云

生員王家珍妻陳氏姑鄧氏篤疾氏割股肉以進疾遂愈
閤之廷妻張氏姑病顛神誓茹素三年捨身代姑旣而姑
病愈不許延一載乞假歸寧潛赴北山山有捨身崖夫心
疑踵至而婦已投身崖下矣崖深百尋氏墮荆叢上竟無
損呼之方覺恍忽聞見夫便問及姑觀者咸嘆其孝念誠
篤宜獲神佑云邑令給匾獎之

蔡養芹妻慕氏夫病瘡三載延治罔效勢危篤氏齋沐祈禱判股以進夫夢神賜藥凡吞之病遂瘳

孫銘妻王氏銘早亡遺孤廷璽方幼茹苦食貧撫孤堅守後家業漸起璽亦游泮人皆曰此孀闈積苦所致也年六十而終

孫欽妻劉氏孫鎬妻白氏欽鎬相繼病歿二氏協和孀守機杵共鳴同炊不移俱以壽終前後縣令秦君劉君皆給扁旌之

儒士王鴻磐妻荆氏年二十九夫亡撫養二女孝奉翁姑以節自守年七十餘卒

張學孟妻馬氏年二十六夫亡苦志貞守後子毓才孫琬等相繼成立身列覺序氏壽至七十八卒

王淳妻孫氏年十七夫亡孀居終身年至九旬

劉貞妻索氏進士索著女年二十一夫亡無子翁姑憐其苦欲令改適氏以死自誓姑聞以意投其母母知其志堅不忍言氏探知姑若母之意恐奪其節遂深自恚怒絕粒不食而死邑人哀之多誄以詩

何養氣妻金氏年十八夫亡子崇尚幼公姑俱逝上下無依且屢遭荒歲氏紡績教子歷五十二年如一日壽七十
李燧妻雜氏年十七夫亡家貧子幼方在襁褓氏晝夜紡

績事公姑生養死葬皆出一人年七十七卒

王師程妻荆氏夫亡孀居數十載孝順公姑教子正脩正
禮成立年八十卒

宋之璽妻張氏夫亡撫孤守節年八十卒

金謀妻張氏年二十三夫亡守節五十九年縣令表其門
原勲妻李氏早年守節事舅姑朝夕不怠

王一表妻閻氏年二十五夫亡無子苦志守節紡績度日
年逾八旬邑令給扁獎之

何三樂妻朱氏年二十四夫亡子玠甫三歲值明季兵荒
艱苦備歷守志不移撫子有成年六十三卒

王一新妻穆氏年二十六夫亡子化鷺僅週歲紡績撫孤
苦節四十九載年七十五卒

羅應科妻何氏年二十四夫亡遺孤週歲撫之成立年八
十六卒

何成妻常氏年二十三夫亡苦志守節撫子三訓成立未
幾三訓亦早卒妻王氏年二十有四孝養孀姑誓無他志
後常氏年一百二十歲王氏年亦八十餘卒邑令屢表其

門

千沈妻丁氏年二十二夫亡先是沈娶宋氏遺子大璽甫
二齡氏勵志守節撫之成立璽又早逝氏孀苦異常誓死

離他兄弟乃更爲立嗣

生員劉偉妻王氏年二十五夫亡守志撫孤誓不改節姑病割股以奉節孝並著邑令給扁以表其門

李煥然妻秦氏年二十一夫亡舅姑衰老子方週歲氏矢志守節之死靡他及舅姑卒值明季盜起葭城屠村隣里多遇害氏攜子轉徙卒以保全後子燎文爲邑庠生孫大勳登己酉武科氏年至八十七卒

李自持妻郭氏年十六夫亡遺孤大典甫彌月誓守苦節孝事公姑五十餘年其子列名巖序邑令王君彭君屢給扁獎之

生員張麟趾妻霍氏年二十二夫亡子慎僅四齡守志訓子入泮慎又卒慎先娶吳氏生子式玉繼室趙氏時方二旬痛姑老子幼以死自誓勤機杼盡孝養課式玉讀書中庚午武舉邑令甘君以雙節扁旌其門

荆璵妻王氏年十九夫亡氏有遺腹閱月餘生子名服成氏苦志撫孤值家貧無依攜子還父母家紡織度朝夕父病篤刲股烹湯祝天願以身代及父卒復依兄弟爲活逾三十年子亦成立邑令甘君以士民公舉給節孝扁獎之宋會妻張氏生員張毓才女年二十一夫亡無子撫養二女守節二十八年孤苦無依忽言無子守節固不如死之

爲愈也遂自縊邑令甘君表其閭

以上見康熙舊志

先賢後裔林可學妻樊氏有孝行乾隆十四年周家村木匠祝九龍途間失銀一封樊氏拾得聞人傳說卽交其夫還之

王元勳妻岳氏年二十五夫亡無子撫從姪世綿爲嗣孝事公姑訓子有方邑校官表其門

武丕俠妻李氏拔貢生兆夢之妹也守節撫孤事舅姑至孝宛若五人推其誠篤姪女幼失恃鞠養遺嫁同於所生年七十卒

武丕全妻常氏孀居守志母及舅欲嫁之屢勸不從有姪

三人皆失恃氏以小者爲夫嗣餘悉育之如已出里黨並稱其賢

李傑起妻劉氏年二十四守節念夫弟皆幼獨力奉事舅姑訓嗣子成立充博士弟子員族人有母死不能殯者爲營殮具年踰八十而終

馮光孝妻楊氏年十七適光孝三載夫亡遺腹生一子苦節撫孤其姑年老自盲氏扶持左右不辭勞悴姑亡竭力以營喪葬

千觀祖妻范氏夫亡子方二歲矢志守節未幾舅及繼姑相繼歿殯葬合禮年七十旬猶日夜紡績以教子孫讀書

曰但得子孫成名吾願足矣

李毓麟妻王氏于歸二年毓麟以貿易他出不歸氏奉事
衰姑孝謹不怠有孤姪甚幼撫之長成爲立家室生三子
而姪婦亡姪亦流蕩於外氏復撫其從孫三人成立茹苦
四十餘年李氏一門得以不絕者皆氏之力也

趙某妻魏氏年二十三夫亡子克用方三歲守節撫孤翁
姑以年荒就食他邑夫兄病卧於床氏紡績供養數載臨
卒復爲營葬

閻玢妻董氏玢亡有遺腹子未晬復壽氏茹苦矢節夫弟
尙幼撫育成立爲之婚娶守節二十六年

張秉直妻韓氏年十八夫亡無子舅姑以其年少而家貧
爲憂氏誓死守節奉養舅姑辦之十指夫弟二人皆幼舅
及繼姑俱歿撫養兩叔至於長成爲之娶室節孝慈義里
黨稱之

千條妻何氏庠生何梈讓女也年二十夫亡屢求死皆以
救而復生守節勤儉撫姪爲嗣

王文燦妻白氏年二十六夫亡無子舅姑皆老氏矢節奉
事夫弟文焯甫十歲爲延師教之紡績供膳不憚勤勞文
焯早歲入庠其舅嘗曰此吾家婦之力也撫姪延琰爲嗣
繼之尤篤亦入邑庠

劉氏王善友之子婦也年三十夫亡守節姑死未葬會有
火災翁年八十五不能行氏於烈焰中負出復以水濡衣
冒火入覆姑之棺財物皆燼而遺櫬無恙里人聞其事於
邑令令歎曰此天假火災以彰節婦之孝也未及旌而令
遷去遂不果

韓式妻牛氏年二十七式亡撫孤紡績立家業守翁遺書
以訓其子

趙惟政妻薛氏事衰翁盡禮而誠久無懈志有司以壺孝
可風表其門

齊順字妻張氏家甚貧有姑年已九十氏傭工爲活夜自

紡織以供甘旨隣里知其賢孝每多饋貽姑病氏左右扶持常負之出入始終不忘

翟元福妻謝氏事翁姑最孝姑病篤割股以進疾遂愈族子尙儉甫四歲失怙恃氏收養如己出後尙儉成立婚配畢取其家產什物一一付之氏年逾九十尙儉亦事之甚孝云

邢爾侯妻趙氏年二十七夫亡守節撫孤事翁姑至孝

李某妻韓氏夫他出不歸其翁大本甚貧氏紡績度日事奉誠孝歲儉食不給翁令氏歸母家氏曰兄嫂窮苦焉能相依然翁生子娶妻不能奉養而反貽高年之憂何以爲

人遂痛哭終夜自縊死

王賜桓妻薛氏于歸五年而寡終身守節孝事翁姑壽至七十三而終卽孝婦于氏之媳也

荆振龍妻劉氏爲姑病割股

閻朝法妻李氏州判在田之姪女也朝法亡氏年二十六歲無子五七之期上墳祭奠畢歸自縊死

馬學勤妻千氏太學生千濟熙女年三十四歲夫暴卒氏請於夫兄學純以次子來閣承嗣主喪及殮後氏入寢室自縊兩次爲人解救越三日不食日落星出忽見氏房火光黑烟由牖冲天而出衆驚啓門視之已縊死

何瑕妻子氏榮澤生員于貢之女年十八歸瑕五日瑕故矢志靡他嗣子又亡氏絕食五日而死

常貞女幼許字江氏子江氏子出遊不返其父另議婚女堅執不可父怒曰天下無男子耶而必江氏之子耶女婉辭以謝曰父命固然第既與彼有成言俟之一二年未晚也俟之一二年則又曰再俟數月可也其後江氏子終不還父命改適女持刀自衛不食數日而卒

張復禮妻馮氏甘貧守節邑令表其門子洪亦以孝聞

翟士望妻賈氏年十七夫死子振世未週歲氏冰蘖自矢治家有方振世奉母教勤學入府庠氏年八十四而卒縣

令甘士孩表其門曰柏貞松壽

郭永昌妻李氏守節撫孤康熙三十五年邑令董之燧表其門

郭加珍妻王氏夫死守節康熙三十七年邑令董給扁額旌之

郭永福妻王氏康熙三十七年公舉節孝邑令表其門壽八十九歲

苗慶妻孟氏守節六十餘年學使楊公萬春以冰霜苦節旌其門

廩生荆國梁妻白氏年二十八夫亡遺二子一女未幾長

子塲次子以痘死弃之郊野得土氣復生行者見之遂抱去氏未知也荆姓因其無嗣遂欲謀產奪節氏堅誓自守孝事翁姑後聞人言次子尚存涕泣訪求拾子者感其苦節仍復送還事聞邑令徐君給扁旌之氏年八十餘其子名子副考授職銜孫正著早歲入庠女亦適士族

李士禮妻蕭氏年二十三夫亡矢志靡他孝慈兼盡子成室而死遺孫甫四月與媳岳氏同心撫育延師教諭其孫世壽入府粹氏年八十

詹天清妻鞠氏年二十夫亡食貧撫孤仰事二老苦節六十餘年其子文堂誠篤長者爲里隣取重孫國士以能女

於賢序乾隆元年學使張公以貞德維馨表其門

徐成宗妻王氏年二十四夫亡子方四歲守節撫之十餘年子亦死取族子爲嗣乾隆元年學使獎其節

王劍羹妻金氏年二十四夫亡無子止一女翁姑衰病常在牀褥氏飲食供奉朝夕維謹撫姪爲嗣年七十餘卒

監生宋之灼妻李氏守節四十二年

郭如畚妻柴氏進士偉觀之孫女夫亡無子氏自縊死而復甦苦節三十餘年

張佩章妻王氏年二十五夫亡舅姑多病子女俱幼氏以婦代子以嚴爲慈苦節數十年養生送死育孤成立其志

克完疾篤子孝先榮先欲爲請旌氏正色曰孀居乃人生
至不幸事汝等欲爲我邀名耶訖不許

劉惟精妻張氏苦節自守七十餘年年屆九旬而卒縣令
以松筠勁節表之

張永泰妻劉氏夫死守節上事翁姑下撫孤子誠孝慈愛
村家勤儉閭里稱之

劉慈民妻劉氏年二十三夫暴卒氏欲從死念子幼無依
乃止茹苦自守年七十七卒子孫皆能振起人以爲苦節
之報

郝士鏡妻宋氏內黃縣訓導式璟女二十三歲而寡遺孤

一長顯三歲次錦甫及月餘氏教子義方顯食餽縣庠
亦克有成立乾隆八年事聞樹闕 旌褒

增生千作霖妻丁氏早歲孀居備嘗荼苦壽逾八旬而終
乾隆八年學使以松貞永茂表其門

石秉鈞妻段氏守節三十餘年子永祚欲請旌表氏力止
之年六十卒

千在田妻職氏年十九夫亡遺孤未週歲貧苦異常氏堅
節育子紡績終身年六十九卒

苗善繼妻吳氏年十八夫亡守節

李大仕妻田氏夫亡守節子謙太學生以孝友稱

趙揚妻苗氏年二十夫亡無子貧不自給氏紡績以事舅姑終無二志

王騰龍妻李氏年二十二夫亡苦節守志孝養繼姑撫孤子天福成立年五十九卒

劉永昌妻張氏年二十三夫亡截耳自誓終身不施粉黛撫姪爲子年五十九卒

李學孟妻黃氏孀居苦節邑令表其門

張虎臣妻王氏年二十二夫亡遺孤方數月父母欲嫁之以死自誓後屢經饑荒子復孱癯氏率子爲人傭寒夜紡績不輟堅苦之節人共嗟嘆之

謝天增妻張氏歲貢生文奇孫女年二十一夫亡無子痛
哭不飲食者旬餘不死乃立嗣守節

劉成義妻朱氏年二十一夫亡父母欲奪其志氏忿然作
色曰不幸夫死姑又早亡堂上有衰翁何忍棄之苦節自
貞菽水承歡遇翁病滌垢浣污無難色無怨言年七十四
卒

任寧子妻馬氏年二十一夫亡無子姑老家貧矢志奉養
紡績供養殮數十年如一日年八十五卒

王普生妻吉氏夫亡守節事舅姑盡禮教子汝龍成立入
邑庠

范鴻儒妻張氏守節自誓教子成立

沈高遷妻高氏年二十七夫亡一子甚幼飢寒交迫而志節彌堅艱苦備嘗事翁甚孝後子入邑庠人皆知其秉母教也

原貞妻田氏夫亡苦節撫孤幾三十年

宋廣恩妻王氏守節孝慈里黨稱之

常宏士妻王氏年十九夫亡家貧親老誓不改適年八十卒儒學表其門

李孟秋妻郭氏儒家女也夫亡守節上事孀姑下撫幼子孝慈兼盡守志四十七年學使汪公以蓮潔桂貞褒之

庠生苗滋生妻王氏夫亡家計蕭然氏當盛年誓不他適
守節終世

李宗舜妻張氏守節撫孤子佐龍佑龍等皆友恭遵母之
教爲邑秀士

秦述祖妻韓氏貞節而壽二子攀龍攀鳳皆孝友

趙敦本妻雒氏年二十二夫亡無子守節自誓事翁姑篤
孝嗣子不能守分家業俱廢氏衣食不繼終無異志

毛大本妻張氏年二十四夫亡守節撫子孝奉衰姑孀居
三十年

牛中元妻王氏年十八夫亡以死自誓數年不宿母家舅

袁老姑喪明薄田數畝不足給衣食氏食貧勵操事親撫子無怨言

宋振烈妻李氏夫亡無子以姪爲嗣姪又早死苦節五十餘年

安民悅妻張氏庠生鏞之女年二十六夫亡守節撫孤內外嚴肅事姑孝謹五十餘年卒

宋自新妻鄭氏年二十六夫亡守節四十六年

裴得舉妻翟氏年二十二夫亡守節撫子仰事孀姑其子又早亡取旁支承祧苦守五十三年卒

趙元格妻毛氏年二十一夫亡無子元格弟元龍亦早卒

莫妻白氏年二十四遺孤二人與毛氏共守苦節同居數十年族黨欲公舉節孝二氏皆力辭而止

趙永安妻李氏永安弟永定妻鄒氏並矢志守節

王耀宗妻武氏年二十一夫亡遺孤萬程甫八月守節撫之成立入太學氏守節三十餘年

庠生何書祚妻荆氏年二十三夫亡卽欲從死以舅姑禁之乃止守節終身

索福年妻田氏福年苦志讀書以療疾卒子方在襁褓氏忍死撫孤及子稍長自死以殉

王悅衆妻宋氏年二十四夫亡守節撫孤事姑孝謹

高登妻劉氏守節撫孤後子亦死痛哭失明苦節四十餘年

喬建勳妻趙氏年二十三夫墮水死無子守節四十三年
范亨儒妻張氏守節撫孤

田國珍妻郭氏年二十七夫亡無子孝事舅姑撫姪爲嗣
守節四十餘年

郭生花妻史氏夫亡守節

郭居翰妻王氏夫死守節

郭建業妻李氏夫死守節

郭如璣妻李氏夫亡守節撫孤奉養姑嫜備常茶苦

龐大器妻董氏年二十五夫亡守節撫孤

裴得吉妻朱氏年二十六夫亡守節撫孤

張龍妻杜氏苦志守節

楊萬福妻張氏苦志守節

黃珍妻楊氏苦志守節

杜采妻趙氏苦志守節

以上俱見乾隆年舊志

雒氏馬泰未婚妻泰出外無耗女歸馬門孝事翁姑守貞

二十年殯葬翁姑從容盡節乾隆四十九年旌表邑人

郭若水有傳

李勉妻程氏夫亡年二十八姑與夫柩俱未葬力貧營辦

撫子成立事竣自經死

荆柏舟妻何氏年十七歸荆克盡婦道翁病割股以進病遂痊後夫亡殉節

李在田妻荆氏夫亡年二十一氏痛不欲生送夫歸葬投繯而卒

宋三羣妻郭氏羣素有疾且愚騃氏以命自安年二十六夫亡矢志守節事翁姑至孝姑病篤焚香祝天割股以進及姑沒葬畢不食而死

史占元妻張氏夫亡年十七無子撫姪爲嗣未數月又夭氏遂不食而死

程建勳妻丁氏夫亡年二十三守節終身乾隆二十七年

旌表

宋廣著妻高氏夫亡年二十七孝慈兼盡守節三十四年

乾隆三十七年 旌表

母大文妻孫氏夫亡年二十孝敬翁姑守節終身 旌表

李虔妻王氏夫亡年十八苦節四十五年乾隆五十年

旌表

孟秀妻李氏夫亡年二十一守節四十一年乾隆五十年

旌表

郝氏生員溫如玉母夫亡年十九撫孤成立苦節六十二

年 旌表

宋氏中牟訓導郝顯母夫亡年二十一撫孤成立守節五十四年 旌表

張鶴齡妻古氏夫亡年二十七矢志守節三十九年

宋自道妻李氏夫亡年二十二盡孝養撫遺孤守節二十一年

白洪昌妻高氏夫亡年二十八孝事翁姑撫孤成立守節五十六年

程國安妻丁氏夫亡年二十一孝事孀姑教子成立守節三十二年

何立敬妻秦氏年十九于歸三月夫亡苦節終身

王耀宗妻宋氏夫亡年二十七撫教幼孤守節四十一年
趙斗蔭妻許氏夫亡年二十五孝事舅姑守節三十餘年
柳居治妻何氏夫亡年二十八教子成立守節五十二年
索金聲妻范氏夫貿易不歸氏力貧孝養守節四十四年
孟吉徵妻崔氏吉徵慧而早亡氏撫孤矢志苦節終身

苗鴻緒妻郝氏夫亡無子家人令其改適氏矢志事姑苦
節以終

高建福妻史氏夫亡年二十二紡織奉姑守節二十五年
李惟一妻郭氏夫亡年二十三孝事翁姑撫養遺孤以節

終

柴振世妻趙氏夫亡年二十一撫孤成立守節終身

李軒榮妻馬氏夫亡年二十孝慈兼盡撫孤成立守節四十餘年

黃廷聞妻秦氏夫亡年二十六奉事翁姑守節五十餘年
荆國榮妻白氏夫亡年二十八孝事翁姑撫子成立守節四十餘年

張紹先妻任氏夫亡年二十三孝養翁姑撫育遺子守節三十三年

高撫元妻邢氏夫亡年二十七家貧子幼人勸以改適斷

髮自矢守節二十餘年

常建福妻徐氏夫亡年二十二無子孝事翁姑苦節三十年

索喬年妻何氏夫亡年二十九孝事舅姑守節三十五年
馬煜妻劉氏夫亡年二十九孝慈兼盡守節四十年

張元來妻章氏夫亡年二十五力貧奉養撫孤守節三十餘年

翟行孝妻郝氏夫亡年二十六姑老子幼孝慈克盡守節三十餘年

李順章妻魏氏夫亡年二十五家貧孝事翁姑撫幼成立

守節三十餘年

高大功妻吳氏夫亡年十八紡績以養舅姑撫遺孤成立
苦節終身

原經妻張氏夫亡年二十八守節四十年

慕最妻皇甫氏夫亡年二十二孝事孀姑撫遺子三重成
立三重又天妻郭氏年二十五亦矢志撫孤以終

和貴生妻李氏夫亡年二十八力貧矢志營葬舅姑及夫
樞晚年撫二弱孫紡績度日苦節五十餘年

高曰信妻荆氏夫亡年二十上事孀姑下育幼子紡織度

日守節四十年

官曰政妻張氏夫亡年二十二遺孤又天惇惇子立甘貧苦節四十餘年

生員高密妻白氏夫亡年十九矢志靡他孝事翁姑撫養遺孤苦節五十餘年

李樹妻馬氏夫亡年二十二無子孝事舅姑撫嗣成立舅姑沒氏因痛哭二目俱瞽守節三十餘年

宋煥妻賈氏夫亡年二十三無子孝事翁姑撫嗣守節三十五年煥弟焯亦早亡妻王氏年二十二亦無子撫嗣守節三十餘年

朱再繪妻張氏夫亡年二十八無子撫嗣矢志守節四十

九年

朱運斫妻趙氏夫亡年二十九孝事病姑十餘年不倦姑歿哀毀骨立喪葬盡禮撫子一嵩食餼守節終身

王賢妻張氏年二十五夫客死無子撫二女力貧以葬翁姑遂自縊家人活之守節終身

李振山妻郭氏夫亡年二十無子撫嗣事姑孝慈克盡守節終身

孫建猷妻張氏夫亡年二十三守節終身

劉全忠妻侯氏忠家貧繼母王氏性嚴忠與氏侍奉無缺氏年二十四夫亡奉姑撫幼姑歿喪葬盡禮守節終身

宋廣容妻呂氏年二十五弟廣仲妻張氏年二十六廣容
子燼妻馮氏年二十二皆夫亡而孝姑撫子守節終身
年二十二卒

荆温妻劉氏夫亡年十九孝事翁姑撫養遺子苦節終身
以上五十九
人見府志

孫志仁妻謝氏年二十餘夫亡守節貧苦嘗終日不食不
以告人姑病割股以進獲痊

李吉彥妻劉氏夫早亡無子堅苦自勵族中有憫其飢餉
之者辭不受守節數十年年七十九卒

許良玉妻岳氏年二十夫亡遺腹生子守節撫孤二十年

卒

馬化龍妻王氏夫亡守節化龍弟文龍妻賈氏飛龍妻張氏皆早喪所天堅志矢節張氏先亡病革時猶以不獲終事其姑爲恨鄉鄰推重稱爲一門三節

劉眉齡妻邱氏年二十五夫亡子方週歲誓以身殉姑諭之乃止事眉齡嗣母及本生母皆竭盡誠孝守節四十餘年卒

生員王簡妻何氏保定知縣何居廣女年二十一夫亡無子撫姪志曾爲嗣志曾妻賈氏未二年亦死姑媳孀居苦志相依乾隆三年旌

武尚功妻李氏未嫁而夫死聞訃哀痛自縊乾隆三十二年旌

文成章妻土氏年二十歲夫亡無子守節奉姑乾隆四十九年旌年七十八卒嗣子含英庠生

閻錫忠妻李氏年二十二夫亡氏欲以身殉家人防護不得死既葬遂自縊乾隆五十二年旌

王岱妻孟氏年十九夫亡矢志自守孝事翁姑以從姪煥章爲夫嗣撫育課讀慈嚴友盡煥章充府學生考授縣丞人以爲母教也乾隆五十六年旌

千珍妻職氏年二十三夫亡事孀姑撫孤子守節五十九

年年八十一卒乾隆五十七年旌

陳騰霄妻慕氏年十九夫亡撫嗣子敬成立守節四十餘年卒嘉慶九年旌
媳古氏亦早寡事姑守節三十餘年
原天錫妻田氏年二十四夫亡守節撫孤嘉慶十年旌
王如麟妻秦氏年二十三夫亡無子痛不欲生以翁姑在堂強就飲食遂刺面誓守自茹粗糲而甘旨必豐後十餘年猶子珪生乃撫之以嗣夫後守節六十年年八十三卒
嘉慶十二年旌

吳大信妻郭氏年二十一夫亡以舅姑衰老子嗣未立不敢自殞茹貧矢節四十二年撫姪爲嗣讀書成立嘉慶十

四年 旌

韋九成妻孟氏夫亡守節嘉慶十七年 旌

荆洪妻高氏年二十八夫亡無子守節以姪樹本承嗣嘉

慶十九年 旌

荆宏妻高氏適宏數月而寡氏守喪三年遂自縊死夫兄

貢生荆沂爲之請坊

旌表

此條與上姓氏相同而事跡互異未知卽一人否姑存之

宋泰平妻韋氏年二十四夫亡以夫兄子懋爲嗣事姑盡

孝守節四十餘年嘉慶二十年 旌

李文章妻常氏未婚夫亡奔喪不歸奉事舅姑嘉慶二十

一年 旌

通志卷之三
閻汝爲妻李氏年二十夫亡哀毀絕食旣以翁衰病不敢
以身殉守節三十七年道光二年 旌

原文元妻張氏舉人張德懋女年十九夫亡無子卽欲自
盡舅姑慰止之乃矢志奉親以姪爲嗣守節五十餘年現
年七十二歲道光五年 旌

高一乾妻宋氏年二十五夫亡孤子亦死爲夫立祠奉養
舅姑守節五十一年道光五年 旌

劉士魁妻陳氏年二十二夫亡無子苦節奉姑夫弟三人
俱幼氏後撫姪爲子年五十餘卒奉 旨旌

秦奇妻劉氏夫亡守節已 旌

張氏幼字趙金保未婚而金保外出女待至二十三歲忽聞其夫死父欲改字女遂自縊死

岳振江妻陶氏年二十七夫亡事翁撫孤守節二十餘年翁卒子天氏哀痛以死卒年四十有七

武生岳登鼇妻張氏年二十五夫亡守節三十年年五十五卒

喬文弼妻吳氏夫亡遺腹生子苦節撫孤年八十卒

孟可勉妻田氏年二十八夫亡守節事姑以孝聞年七十六卒

趙宗皋妻孟氏年二十一夫亡撫孤守節六十餘年年八

十六卒

慕長庚妻高氏年二十夫亡守節撫孤年六十餘卒子某

郡庠生

浮永達妻王氏年二十九夫亡守節撫孤年七十三卒

王笏妻汪氏年二十九夫亡守節撫孤年七十二卒

王世明妻陳氏年二十六夫亡苦節自勵年六十四卒

李合妻穆氏年二十六夫亡守節撫孤五十八年年八十

餘卒

劉智臨妻穆氏夫亡無子守節嘗恨家貧不能爲夫立嗣因日夜紡績節蒿口食置薄田數畝取族姪爲嗣年七十

二卒

許振成妻郭氏年三十五夫亡家貧貨衣物備棺殮以姪嗣夫後屬夫弟教養其子遂自經以殉邑令表其門

馬梓妻胡氏年二十夫亡無子以姪煥基承夫嗣苦節五餘年年七十五卒

劉大俊妻李氏年二十四夫亡撫養其子守節撫孤三十餘年

劉述瞿妻何氏年二十七夫亡無子撫姪守愚爲嗣苦節五十餘年年八十四卒孫紫雲爲廩膳生黃沁司馬景公以節孝垂芳表其門

劉守鎮妻王氏夫亡撫姪獻琛爲嗣苦節四十餘年年七十三卒

劉五魁妻何氏夫亡無子苦志守節三十餘年勸其舅娶妾生子姑疾事之益謹以姪大韶承夫嗣年五十七卒

趙鏃妻苗氏年二十五夫亡守節撫孤其父欲奪其志氏厲言抗拒自誓愈堅姑有瞽疾事之孝謹年八十卒孫誠明曾孫子鑑俱列庠序

魏國相妻許氏年十九夫亡以姪萬成爲嗣守節四十年年五十九卒

何體堯妻李氏年十九夫亡姪瑞長承嗣苦節三十餘年

年六十五卒

何作枝妻荆氏年二十八夫亡守節撫孤全祿成立入邑
庠子死復撫二孫皆充弟子員年八十四卒

何體仁妻趙氏年二十一夫亡撫孤成立苦節三十餘年
年五十九卒

何昇妻張氏年二十八夫亡撫孤成立苦節五十餘年年
八十卒

何隆元妻田氏河內人夫亡子幼守節數十年教子成立
年六十九卒

劉大勳妻王氏年二十三夫亡子甫一歲撫子成立守節

四十餘年年六十五卒

劉學道妻馬氏年二十五夫亡守節撫孤二十七年年五十二卒

劉秉直妻寶氏年二十六夫亡撫姪尙林爲嗣守節二十七年年五十三卒

劉五胡妻楊氏年二十五夫亡以姪大振爲嗣守節二十八年年五十三卒

鄒敬宗妻劉氏年二十八夫亡守節四十餘年年七十三卒

鄒思敬妻劉氏年二十三夫亡撫姪萬年爲嗣守節三

餘年年五十六卒

魏萬虎妻賈氏年歸五月其夫亡氏年二十孝事舅姑撫前室子欽思成立苦節守志三十年

武生何雷鳴妻范氏侍姑疾竭誠盡瘁願以身代撫夫幼弟如已子小姑二歲失恃保抱教養迄於成立氏卒小姑爲服喪三年至今鄉里稱其賢子端儒邑庠生

生員何令妻陳氏年二十六夫亡守節教前室子秀山成立年七十卒

邑庠生何偉烈妻蔣氏年二十九夫亡舅年逾七十子方八月氏矢志守節事老撫幼備極勞苦三十餘年年七十

五卒子申榮原膳生

劉清明妻杜氏年二十三夫亡苦節三十二年年五十六卒

陶恭妻徐氏年二十三夫亡守節撫孤事翁疾病篤孝年五十六卒

裴夢吉妻朱氏年二十六夫亡遺孤甫數齡家窶甚歲服族人利其嫁資屢勸改適氏曰而欲陷吾於不義耶勤績紡以課二子守節四十餘年年六十七卒

李紹東妻余氏年二十五夫亡堅志守節二十一年

李悅妻羅氏年十八夫亡遺腹生子希文堅節撫孤五十

餘年年七十二卒

監生王國謨妻楊氏河內人年二十一夫亡以姪宏濟爲嗣奉孀姑孝謹守節四十餘年年六十七卒

王維鑑妻張氏于歸時維鑑已染疾不能起榻氏日奉湯藥惟謹不數月夫歿氏哀號欲殉家人環守之勸其爲夫立嗣以承宗祧乃撫堂姪瀛爲子教之成立守節四十餘年年六十四卒

常簡敬妻楊氏年二十八夫亡子洵方二歲諸叔欲奪其志氏誓死不從守節五十餘年年八十六卒

常太妻和氏年二十三夫亡遺腹生子撫孤成立守節四

十二年年六十四卒

楊廷瓏妻史氏年十八夫亡守節撫孤五十餘年年七十
三卒

史克鈞妻杜氏年二十一夫亡無子守節以兄子爲嗣孝
養翁姑年五十一卒

馬國鈞妻鄭氏年二十一夫亡以夫弟子黎明爲嗣貧
茹苦年三十二卒

馬允通妻楊氏年二十九夫亡事姑育子孝慈兼盡守節
二十年

趙謙友妻胡氏年二十三夫亡舅姑欲令改嫁比誓志靡

他爲夫立嗣守節三十九年

趙國臣妻王氏年十九夫亡遺腹舉一男守節撫孤備歷艱苦四十餘年而卒

何國梁妻趙氏年二十七夫出外不返矢志奉姑三十七年

劉復天妻張氏年二十八夫亡守節三十二年

王全妻李氏年二十五夫亡守節三十一年

雜國傑妻王氏年二十九夫亡守節三十六年

郭士奇妻秦氏年二十六夫亡矢志撫孤成立子又早死復撫其孫守節三十五年六十六卒

王萬資妻吳氏于歸甫九月而寡年二十一立嗣承祧苦志守節四十餘年卒

任煥妻田氏年二十一夫亡安貧矢節翁有疾不愈割股以進生養死葬出於十指守志六十餘年而卒

王鸚洲妻焦氏年二十二夫亡以姪殿馨爲嗣教之成名守節三十五年五十六卒

柴格妻周氏年二十一夫亡家惟庶姑存又多病氏奉事湯藥未嘗暫離以姪本恂爲夫嗣撫之成立守節三十六年年五十六卒

因鸞妻張氏年二十一夫亡守節五十九年七十九卒

趙煇妻宋氏年二十三夫亡以好爲嗣守節四十四年年六十六卒

李應甲妻喬氏年二十四夫客死或勸改適喬誓不從無子亦無可繼守節四十一年年六十餘卒

白寶富妻索氏年二十五夫亡無子奉事翁姑以姪爲嗣守節四十二年年六十六卒

荆和妻何氏年二十九夫亡守節撫孤四十餘年年七十七卒

王世江妻馮氏年十八夫亡守節年八十一卒

任重華妻范氏脩武生員范士賢女年十九適重華未踰

年而重華死時復甦謂婦曰吾應以前生冤愆負汝汝能
爲我養父母至老則我死瞑目報在來生矣哽咽不能語
夫既亡無子翁姑已老夫弟俱幼值歲歉家貧落氏姑某
奉養撫叔成立守節三十七年年五十六卒以姓太平爲

廟

梁純若妻何氏年二十九夫亡守節事舅姑孝訓諸子嚴
年七十九卒道光二年今開封太守栗公時方令邑以
節凜冰霜表其門子墉堦坦三人皆庠生

高邱主簿張永祜繼妻范氏年二十二夫亡守節撫孤成立
子死復撫其遺孫二人年七十四卒

卒子朝輔妻趙氏年三十三夫亡守節五十年年八十二卒乾隆六十年黃沁司馬景公表其門曰柏節雙堅

陳永祿妻荆氏年二十三夫亡家貧無子守節五十年年七三卒

王國興妻馬氏夫早亡欲從死翁姑止之矢節奉親年八十九卒子鳳池庠生

馬守清妻周氏年二十九夫亡或勸之嫁氏怒以死自誓勤於紡織養育孤子守節三十餘年年六十三卒

張清源妻荆氏年二十夫亡無子守節五十餘年年七十

有三卒

生員千先登妻卞氏年二十九夫亡無子時曾祖姑王氏年逾八十祖姑楊氏姑劉氏皆孀老氏覓食一身力奉三代養生送死無不盡禮守節三十九年年六十七卒

千永吉妻張氏年二十夫亡無子奉祖姑及姑孝謹守節二十八年年四十八卒

千通儒妻趙氏舉人雲從女年二十六夫亡欲以身殉念翁姑及父母已老不忍再傷其志守節七年父母及姑俱卒痛哭柳鬱而死年三十二歲

千文儒妻陳氏年二十一夫亡誓不欲生悲苦自摧逾時

節立

宋君瑞妻劉氏年二十一夫亡苦節撫孤年七十卒

呂尚忠妻趙氏年二十夫亡矢志守節孝事翁姑撫育嗣子年九十卒

何文遠妻馮氏年二十九夫亡守節撫孤幾三十年年五十八卒子廷勳庠生

庠生荆占元妾王氏年二十四夫亡矢志守節氏無所出嫡有少子撫養如己生後十年嫡某氏亡氏哀痛過度遂卒

班某妻趙氏年二十九夫亡守節撫孤四十五年年七十

三卒

柴松妻李氏年二十九夫亡矢志守節撫二子成立年六十餘卒

張士魁妻馬氏于歸時夫已染病不能爲人氏事之謙敬數年士魁死母家迎氏歸氏乃憑棺而祝曰今日母家與妾歸君靈可倩往若有異議君卽於冥中殛之明日亟返遂投繯死邑庠生任華元爲馬節婦詩以哀之

孫克明妻李氏年二十餘夫亡以姪承杰爲嗣食貧守節三十餘年年六十餘卒

張士魁妻李氏年二十九夫亡矢志守節撫二子成立年六十餘卒

守節二十五年年五十三卒

孟縉妻馬氏夫亡守節數十年校官李君表其門

常建祥妻吳氏年二十夫亡守節四十餘年事繼姑尤孝
撫孤子光宗成立

宋學禮妻喬氏年二十一夫亡無子守節五十一年

王從禮妻牛氏年二十七夫亡子秉公生方七月氏撫孤
守節敬事舅姑其子既成立受室又遭疾死復撫孤孫偕
婦媳以奉衰姑孝義艱劬守節七十四年卒年一百一歲
子秉公妻李氏寡時亦僅二十一歲撫遺腹子燧成立奉
孀姑尤孝守節五十九年八十卒兩世苦節里隣敬之

徐盡德妻栗氏夫亡無子守節四十五年撫姪爲嗣年七十卒

宋景槐妻賈氏未婚時夫爲奔車所傷得瘵疾其家絳婚氏不聽嫁逾六年夫亡遺言令其改適氏哀痛守志貧困飢寒勵志彌堅撫夫弟子爲嗣守節已三十餘年

許九敬妻李氏年二十一喪其夫撫姪天民爲嗣守節六十二年年八十二卒天民亦早亡其妻荆氏年始二十三節孝如其姑守節六十五年年八十八卒

成某妻徐氏孝子徐溶之女也年十九夫亡守節茹苦劬績以奉翁姑五年翁姑相繼亡無所依乃歸母家工支詞

撫其兩弟兼師資焉年六十餘卒

史國鈞妻杜氏年二十一夫亡其祖太學生登科憐其幼寡嘗諭慰勸勉之氏泣曰祖無憂兒之不天命也命苦之人妄欲求甘庸有幸乎祇益辱耳矢志守節三十餘年

前史克鈞妻杜氏疑卽一人俟考

舉人張化蛟妻孟氏年二十三夫亡無子守節數十年撫夫孤弟成立張氏幾絕而復緒者氏之力也

趙春元妻李氏拔貢生揆藻之女也年二十三夫亡撫姪爲嗣事孀姑盡其誠孝守節十五年爲嗣子娶婦自嘆曰吾可以告亡夫於地下矣遂素服縊死年三十七知縣王

榮陞表其門

史文灼妻王氏年二十二夫他出不歸氏紡績孝養守節終身年八十三歲卒

孫陶富妻葛氏年二十三夫亡上事鰥翁下撫幼弟守節五十四年年七十六卒

趙德福妻李氏年二十九夫亡守節撫孤三十三年年六十二卒

鄧光耀妻閻氏年二十九夫亡守節撫孤五十餘年年八十餘歲卒

趙八士妻劉氏年二十四夫亡守節三十餘年以姪所爲

劉年五十七卒

趙太極妻何氏年二十九夫亡矢志守節三十六年年六十七卒子燻候選吏目

生員楊竟成妻董氏年二十六夫亡無子堅志殉節晝夜涕泣越七十五日而卒

楊萬成妻宋氏年二十七夫亡守節以姪材爲嗣年七十二卒

劉汝枚妻楊氏年二十三夫亡守節而死以姪爲嗣

陳天鳳妻金氏年二十三夫亡守節二十七年年五十歲卒以姪瑤爲嗣

陳安妻崔氏年二十夫亡守節六十一年年八十卒以姪
誨爲嗣

成領民妻趙氏年二十夫亡自言女有三從夫死無子不
當久居人世矣矢志盡節未及百日而卒

戒開妻趙氏年二十七夫亡守節四十五年年七十二卒
穆治寧妻千氏年十九夫亡以姪宏業爲嗣守節艱苦乾
隆五十六年知縣王君以松筠勁節表其門年七十二卒
太學生閻國池妻吳氏年二十七夫亡守節撫孤三十二
年年五十九卒子汝鐸庠生

孫致能妻馮氏年十九夫亡以姪大計爲嗣守節五十餘

年七十三卒大計孀生

端元妻楊氏年十八夫亡守節姑老目盲家貧甚氏常勤苦負粟以爲養撫孤子成立年八十七卒

申宗湯妻程氏年二十九夫亡欲從死以舅姑衰老不忍棄之乃矢志苦節三十一年翁姑繼逝喪葬畢逾三日對家人曰吾事竟矣不食而卒

安宓妻趙氏年二十一夫亡守節五十餘年年七十三卒
監生王超千妻李氏年二十七夫亡守節撫孤數十年有欲爲請旌者氏聞之辯曰此分內事也敢以求名乎事乃止

正陽縣志 卷三十三
生員中人傑妻張氏年二十一夫亡守節撫孤奉事其翁
盡其誠孝其子學伊亦早亡婦王氏年二十七堅守侍姑
鄉里以一門雙節稱之

朱永昶妻崔氏年二十八夫亡守節撫孤四十三年

李克承妻王氏年二十八夫亡守節撫孤數十年

申明經妻宋氏年三十夫亡守節奉孀姑甚孝姑年九十
六死氏哭之失明

張某妻劉氏年三十夫亡撫孤守節四十餘年

曹成業妻陳氏年十八夫亡遺腹生子天佑撫孤奉姑守

節數十年

申學範妻賀氏年二十二夫亡守節六十餘年教嗣子以
義方紡績立家業爲舅姑立墓碣年八十二卒

和玉麟妻陳氏年十九夫亡姑因悲苦失明氏事之篤孝
守節三十七年

謝大貴妻段氏年十九夫亡無子守節四十年以從姪自
立爲嗣旣爲之成室嘆曰未亡人可以告吾夫於地下矣
遂自經死

石天保妻劉氏年二十五夫亡誓以身殉再縊皆爲人救
甦守節撫孤數十年卒

申光壽妻和氏年二十九夫亡矢節撫孤奉養衰翁勤苦

備至以勞瘝將死猶殷殷屬其子孝事祖父以補已之缺
志焉

劉澄元妻郭氏年二十四夫亡誓志守節孝慈並盡

劉家嗣妻柴氏年二十五夫亡撫孤守節數十年

劉木望妻張氏年三十夫亡撫孤守節數十年

生員王秀升妻程氏年三十夫亡撫孤守節五十一年子
婦孟氏年二十七亦寡矢志奉姑數十年無間言

生員趙國棟妻張氏榮澤孝廉張某之女也國棟少有雋
才以勤讀得疾而亡無子氏矢志奉翁姑堅苦逾常翁歿
盡出其衣飾以供葬事悲苦傷生年未及壯爲族鄰所欽

仰

申守義妻原氏年二十一夫亡撫孤守節三十一年

宋全倫妻楊氏年二十三夫亡無子其母族某諷以改適
氏大志面叱其人矢志堅守翁姑繼歿遺幼子二人氏撫
之成立守節五十一年以姪爲嗣年七十四卒

翟天成妻楊氏年二十二夫亡守節五十餘年卒

任興林妻常氏年十九夫亡堅苦守節葬姑及夫盡禮撫
夫女弟及二子成立年五十四卒

邑庠生苗盤繼室李氏夫亡無子守節數十年疾革時請
於族人爲夫立嗣指架上書謂嗣子曰我貧苦四十餘年

常數日不舉火不肯售此以餬口恐數世讀書門第由此絕也汝其勉之言訖而逝

邑庠生牛逢源妻王氏事翁姑以孝聞姑歿翁繼娶李氏性嚴急遇氏無禮氏委曲承順終無怨言姑亦感悟

謝全信妻孫氏年二十四夫亡無子孝事舅姑以姪生全爲嗣守節六十餘年年九十一卒

許九福妻李氏年二十五夫亡撫孤守節五十四年年七十八卒

劉好明妻謝氏夫亡家貧守節撫子成立姑患重病氏繼禱於神乞以身代割股肉以奉姑食之病遂愈

許廣紹妻劉氏國子監司業履義女年二十六夫亡無子以姪聞善爲嗣守節五十餘年卒

王道成妻張氏年二十二夫亡無子守節奉事翁姑暨翁姑既逝營葬畢卽以身殉

謝會魁妻王氏年二十六夫亡不食死

謝士俊妻柴氏年二十八夫亡無子苦節六十餘年卒

謝承儒妻黃氏夫亡無子苦志守節五十三年卒

李鏡妻謝氏庠生大士女也年十七歸鏡未期月而夫亡舅姑勸令改適氏以死自誓服勞奉養以姪之能爲嗣守節數十年

謝瑞麟妻申氏脩武庠生申佩璋女年十九適瑞麟永世
月而寡苦志守節四十餘年

宋昌宗妻邱氏年二十六夫亡苦節數十年

陳氏幼字張化鳳化鳳以事去其鄉數年不歸父母欲更
嫁之氏恚泣曰女子從一而終張氏子卽死亦義不他適
况未必死乎守之十餘年化鳳歸卒爲夫婦

許良玉妻岳氏年二十夫亡氏絕粒求死姑諭之乃止遺
腹生子撫夫弟及孤艱苦備歷守節二十餘年卒

陳謨妻秦氏年十九夫亡孝事舅姑以姪爲嗣守節數十

年

詢某妻王氏年二十六夫亡撫姪爲嗣守節四十餘年

江國智妻王氏夫早亡守節數十年

張增蓮妻董氏年十九夫亡遺腹生一子撫孤守節六十餘年年八十四卒

翟天成妻楊氏年二十二夫亡無子守節四十九年年七十卒

廩生何一經妻宋氏年二十九夫亡守節撫孤數十年嘗避災之脩武道拾遺金一篋令其子訪失物者歸之

李振唐妻鄭氏年二十七夫亡撫孤守節數十年卒

荆樹本妻崔氏年二十五夫亡守節終身

杜芳林妻原氏夫早亡守節終身

趙宏臣妻郭氏年十九夫亡甘貧守節奉親撫孤二十九
年年四十七卒邑人李學閔爲之傳

陳世熊妻申氏祥符訓導申一乾之女舉人陳曰杜之媳
也陳家故貧而曰杜老病不能出游世熊亦有咯血疾居
益困氏典鬻殆盡夫及舅相繼死艱苦尤甚爰貽書逐之
氏哭辭曰吾始衰年不可寄食於姻家吾又安忍捨姑他
往乎鬻故居數楹葬陳氏五喪守節撫孤五十餘年年八
十二卒

孫勉妻李氏年二十一夫亡無子苦節五十餘年事翁姑

李謹爲夫立嗣年七十三卒

王銓妻李氏年十九夫亡矢志守節舅姑皆老憊夫弟甚幼氏紡績勤苦孝親撫叔後以姪爲嗣守節五十六年年七十四卒

郭天玉妻宋氏年二十四夫亡無子孝事翁姑撫夫弟成立守節四十三年年六十六卒

王敬妻高氏年三十一夫亡守節數十年年七十四卒
柴經元妻劉氏年三十三夫亡無子守節四十三年年七十五卒以夫兄子果爲嗣

王愨妻侯氏年三十四夫亡守節四十四年年七十七卒

王屏妻張氏年三十一夫亡守節三十四年年六十四卒
田秉禮妻劉氏適田姑亡事翁撫叔育妹二十七歲夫亡
遺孤方二歲堅志苦節四十餘年年七十五卒子吉甫庠
生

王中武妻李氏年二十五夫亡奉事舅姑撫養幼子守節
五十三年卒年七十有七

李錫璉妻苗氏二十八歲夫亡無子守節六十一年年八
十八歲卒

王自西妻邱氏二十四歲夫亡無子守節四十年年六十
三歲卒

原厚儀妻岳氏二十歲夫亡撫孤守節五十餘年年七十
二歲卒

太學生劉鳳翔妻原氏二十二歲夫亡守節殯葬翁姑教
子成立苦節五十餘年卒

谷含妻韓氏河內懷德屯人年十七適谷氏二年夫亡
無子矢志守節見姑哭過痛乃拭淚以勸其後哭夫輒不
使姑見家貧勤養甘旨無缺夫弟當就學姑歎無以爲資
氏卽典簪珥給之姑死殯葬如禮爲兩叔娶婦年六十餘
卒以姪爲嗣

周建瑞妻張氏年二十八夫亡撫其孤子孝奉繼姑守節

三十餘年年六十二卒

段玉璽妻晉氏年十九適段氏三年夫亡無子矢志守節
孝事翁姑年四十六卒

柴文直妻孫氏年二十歸柴未踰月夫亡矢志守節孝養
翁姑撫嗣子成立諸姪幼失恃皆賴以撫育苦節五十二
年年七十一卒

宋培萊妻王氏年二十四夫亡守節三十五年年五十八
卒

毛武妻王氏年三十夫亡以姪全爲嗣守節五十二年在
八十一卒

劉氏幼字孫某將親迎婿忽他往十四年不歸亦無音耗
內外家皆令改字氏誓死不從後父死二兄析產異居母
傳食於子氏從母往輒爲嫂嫌惡屢有他議氏志愈堅後
其夫忽歸且貿易得多金乃迎氏完婚

韓作霖妻韋氏年二十夫亡守節四十餘年現年六十五
歲

郭清廉妻劉氏年二十三夫亡守節撫孤三十餘載現年
五十餘

席明德妻趙氏年二十八夫亡矢志撫孤食貧茹苦守節
三十二年現年五十九歲

席全義妻王氏年二十八夫亡奉姑守節三十二年現年五十九歲

杜凌雲妻牛氏年二十夫亡守節事夫之祖父母誠孝逾恒以姪春風爲嗣守節三十餘年現年五十四歲

翟壽妻趙氏年二十夫亡守節撫孤三十餘年現年五十七歲

王永貞妻孟氏年二十三夫亡無子仲兄欲吞其產偪之改字氏矢死不從哭訴於族人共謀爲取其長兄子爲嗣守節三十餘年現年五十八歲

趙天德妻郭氏年二十夫亡矢志守節四十餘年現年六

十四歲

何天德妻王氏年二十八夫亡守節撫孤四十餘年現年

六十九歲

毛自興妻屈氏年二十六夫亡守節撫孤四十餘年現年

六十一歲

任鳳翔妻王氏年十八夫亡孝事翁姑守節三十餘年現

年五十三歲

賈國珍妻吳氏年二十二夫亡守節撫孤五十餘年現年

八十歲

賈淮妻夏氏年十七夫亡遺腹生子矢志撫之守節四十

餘年現年六十三歲

古道妻趙氏年十七夫亡無子守節四十年現年五十八歲

古學德妻周氏年二十一夫亡撫前室子成立守節五十年現年七十一歲

千天福妻楊氏年三十五夫亡守節事舅姑至孝以姪樂善承嗣現年九十餘

張其煜妻段氏濟源人年二十五夫亡守節五十年現年七十五歲

古鵬妻秦氏年二十七夫亡守節撫孤并育幼叔成立事

茹誠孝現年六十七歲子夢龍監生

送永智妻傅氏年二十六夫亡以姪伏功爲嗣守節五十七年現年八十三歲

常合妻任氏年十九夫亡無子或勸改適卽欲自盡家人救護之乃矢志守節三十九年以姪東方爲嗣現年五十八歲

劉道全妻周氏年二十二夫亡以姪尙義承夫嗣守節四十八年現年七十歲

賈世朝妻張氏年二十夫亡以姪麟祥承夫嗣苦志守節三十餘年現年五十三歲

魏希明妻張氏年二十七夫亡貧苦守節撫孤四十一年
現年六十八歲

何聿脩妻秦氏年十七夫亡無子矢志守節姑性嚴厲少
拂意輒加噴責氏事之益謹姑冬月畏寒氏嘗以己體溫
姑之體撫姪研經承夫嗣現年六十歲

劉守剛妻馮氏年十七夫亡以姪五先承夫嗣守節四十
餘年現年六十歲

劉道明妻魏氏年二十六夫亡無子以姪尙文承夫嗣守
節二十八年現年五十四歲

李尚興妻高氏年十九夫亡以姪玉爲嗣玉又早亡復撫

吳孫苦節四十一年現年六十一歲

劉蕪楚妻江氏年二十九夫亡家貧無衣食紡績拾穗以
事衰翁撫孤成立守節四十年現年六十九歲

荆樹琪妻穆氏年二十六夫亡無子守節奉姑四十餘年
現年七十歲

岳萬軍妻索氏年二十七夫亡守節撫孤三十餘年現年
六十餘

溫大化妻翟氏年十九而寡子在襁褓貧獨無依矢志撫
孤成立苦節四十餘年現年六十一

荆石璉妻趙氏年十九夫亡奉事翁姑矢志守節四十餘

正陽縣志 卷三十三 五十四
年現年六十五歲

高守妻孫氏年二十六夫亡無子食貧矢志節二十五年現年五十一歲

張全盛妻韓氏年二十四夫亡守節撫孤四十餘年現年七十二歲

楊進才妻王氏年三十三夫亡家貧子幼矢志自守嘗終日不炊而紡績自若苦節二十餘年現年五十八歲

裴可純妻郭氏年二十七夫亡家貧矢志撫孤守節五十餘年現年七十八歲

張振玉妻孟氏年二十六夫亡無子奉事翁姑守節三十

年現年五十五歲

孟朝魁妻裴氏十七適朝魁甫三月夫亡無子矢志守節三十餘年以姪爲嗣現年四十八歲

徐會庚妻邢氏年二十九夫亡撫前室孤子愛逾已出孝事翁姑守節五十年現年八十子某邑庠生

王恩妻張氏年二十三夫亡守節撫孤現年五十餘

王世興妻陳氏年二十六夫亡守節撫孤三十餘年現年六十一歲

毛占鰲妻樊氏卽樊烈女之妹也年二十五夫亡無子家貧或憐其孤苦答曰吾受教於吾妹久矣茹苦固其分也

紡織以奉舅姑守節三十餘年現年五十七歲

監生王萬鎰妻呂氏年二十九夫亡撫孤守節四十餘年現年七十歲

太學生郭士彩妻王氏年二十三夫亡矢志奉親守節四十餘年現年七十餘歲

監生王壽伯繼妻康氏年二十五夫亡無子守節六十餘年現年八十九歲

張存義妻王氏年二十八夫亡守節撫孤四十餘年現年七十二歲

李繼先妻杜氏年二十四夫亡無子或勸其改節氏以死

白哲守節三十餘年現年五十八歲

張玉屏妻趙氏年十六夫亡守節以姪爲嗣現年四十五歲

謝元善妻王氏年二十六夫亡以姪逢時爲嗣守節五十餘年現年七十餘歲

高攀典妻原氏年二十三夫亡撫姪爲嗣守節三十八年現年六十一歲

趙學文妻高氏年三十九夫亡守節撫孤三十餘年現年七十一歲

趙百順妻安氏年二十七夫亡無子堅志守節二十九年

以姪連城爲嗣現年五十六歲

楊接春妻劉氏年二十六夫亡家貧守節五十餘年現年八十餘歲

王士成妻高氏年二十一夫亡無子苦志守節三十二年現年五十二歲

陳天平妻許氏年二十五夫亡守節三十七年現年六十二歲

送鳳詔妻成氏年三十夫病亟割股食之幾死而夫遂愈逾三年夫亡守節撫孤二十六年現年五十八歲

成書章妻荆氏年二十一夫亡守節四十年現年六十歲

成某妻孫氏年二十四夫亡無子女志守節孝事翁姑現年四十八歲

郭興貴妻李氏年二十一夫亡守節撫孤三十九年現年五十九歲

崔禮芳妻李氏年二十八夫亡孝事翁姑朝夕罔懈守節撫孤三十三年現年六十一歲

卞大奇妻杜氏年三十夫亡遺腹生子守節撫孤四十年現年七十歲

杜祥妻范氏年十七夫亡無子守節三十年現年四十六歲

杜三妻浮氏年三十一夫亡無子守節數十年以姪之子
爲孫現年七十六歲

杜俊庵妻任氏年二十三夫亡無子以從姪爲嗣守節三
十九年現年六十三歲

王雙妻李氏年十九夫亡事翁誠孝守節撫孤四十五年
現年六十四歲

閻錫純妻丁氏年二十夫亡勤於紡績仰事俯育苦志守
節三十餘年現年五十二歲

邢之綱妻李氏年十九夫亡無子事翁姑至孝以姪爲嗣
守節二十三年現年五十一歲

王學賢妻李氏年二十八夫亡貧苦異常奉姑守節三十三年現年六十歲子庚辛岸生

蘇廣妻劉氏年二十三夫亡守節七十餘年現年九十五歲

潘建都妻孟氏年二十二夫亡以姪爲嗣孝事翁姑矢志守節四十餘年現年七十歲

柴果妻冉氏年二十七夫亡守節四十二年現年六十八歲子峯昇監生

梅生花妻楊氏年二十四夫亡奉親撫孤苦節四十餘年現年六十七歲

苗士元妻李氏年十四歸士元二十九歲而寡子甫數月
家貧姑老氏日夜紡績仰事俯育姑亡喪葬盡禮守節五
十餘年現年七十一歲

杜生秀妻任氏年二十三歲夫亡無子守節奉姑五十餘
年現年七十三歲

張兆崙妻常氏年二十二夫亡守節五十四年現年七十
五歲

宋兆吉妻邢氏年二十三夫亡遺腹生子守節撫孤三十
五年現年五十七歲

吳大禮妻宋氏事舅姑誠孝舅病瀝心虔禱齋戒三年年

二十八夫亡以族子爲嗣既成立而死遺一孫誨育兼至
守節四十餘年現年七十歲

岳巖妻李氏年二十六夫亡無子守節六十二年現年八
十七歲

毛登朝妻慕氏年二十九夫亡守節撫孤二十三年現年
五十一歲

毛棕妻慕氏年二十八夫亡守節三十三年現年六十歲
安生文妻薛氏年二十三夫亡無子矢志守節生文弟生
隆亦早卒妻浮氏年二十一亦苦節撫孤宛若相勵同居
數十載子甫田娶魏氏生一子復死魏氏年二十九誓無

正陽縣志 卷三十三
異志奉姑及伯姑以養遺孤薛浮現年六十餘魏氏亦年
逾四十一門三節人共欽之

雒過春妻穆氏夫亡守節撫孤數十年現年五十一歲
郭際飛妻陳氏年二十七夫亡自縊死

趙春元妻李氏榮澤拔貢生揆藻之女也年二十三夫亡
無子守節以夫兄子爲嗣茹苦撫養成立爲之取室授以
家事遂自縊死

李維柏妻郝氏年二十一夫亡舅姑憐其無子令改適氏
誓不從守節三十年現年五十餘歲

張氏幼字趙金保未婚而金保外出女待至二十三歲

聞其夫已死父欲改字女遂自縊死

王孝姐駕部村人幼字劉戊兒逾十年戊兒遠游不歸父母憐而欲嫁之戊兒父萬國貧甚亦以爲然孝姐聞之哭泣乘閒取媵物至夫家拜翁媪翁媪告以貧不能養給孝姐請作苦以供菽水凡田家灌植女功織紵勤勞之事皆一身任之數十年不怠家稍裕爲夫弟完室家姑以老病死既葬乃召夫弟及其娣授以家事從容自縊太守張牧村先生爲之傳

鄒貞女名秋姑北郭村人庠生燻女幼字馬泰泰外出無耗父已亡世父煬欲嫁之與泰父廷用有成言送退婚契

與之貞女聞之自縊者三皆被救甦煬懼乃送女歸馬氏
操作過勞兩手流血又有妄人謀娶之者貞女聞之又縊
賴隣媪救免及姑亡竭力營葬訖不食十八日乃死年
二十有四邑人郭若水欽其孝烈爲作傳乾隆四十九年
旌

張某妻馬氏幼爲養媳夫染惡疾其姑送之歸母家夫疾
少愈欲娶氏父母拒之氏泣請行事夫勞悴無怨色夫卒
不起哭之慟喪七日早起告其夫靈曰君偕我歸辭母家
當與君共逝耳遂往迄暮仍返其室次日闔戶自縊夫兄
遂並葬之時嘉慶二十年四月也氏年二十七舉人何福

傳爲之傳

潘金章妻張氏于歸年餘夫自縊死氏葬夫畢歸辭其母家返遂飲藥卒

貞烈女孫氏父名應運幼字常某未娶其夫他出數載無耗應運聞其已死乃以女改字旣擇吉母命女作嫁衣衣成女俟父母出自縊死時年二十

樊氏幼字劉某偃僕有疾未娶竟死其家方以爲幸氏聞之悲哭請往弔父母禁之以死誓乃往臨棺盡哀請置養翁姑不許歸母家至夜卽就縊三日殮面如生聞者莫不感泣

田魁妻孟氏事翁姑孝姑嘗有疾輾轉床褥醫藥罔效氏割股肉以食之姑疾頓瘳子炳耀庠生

田孝女名七姐以父母無子奉養至老終身不嫁田氏葬之謂之孝女塚

監生千振山妻李氏生員李乙泰之女翁病垂危氏齋沐焚禱割股以進翁恍若有人與藥一丸吞之病卽愈人以爲誠孝所感云

李德峻妻王氏年二十五夫亡以柏舟自誓奉養翁姑翁鴻猷有疾氏割股肉以進獲痊

劉嘉旨妻樊氏翁遊啞疾氏禱於神割股和藥以進

張萬鍾妻蔡氏其如患瘡割股和藥以進其瘡遂愈

母誠意妻馬氏嘉慶十三年十月割股療姑疾

趙三立妻姬氏事姑誠孝有實行聞於鄉里

王錫和妻吉氏澗溝村人其翁患膈病割左股肉以進獲
痊里人驚異表其門曰德孝可風

樊莊李氏有至性幼事其祖父割股以療膈疾人稱其孝
感

寧郭鎮民李克新家素貧其妻鄒氏事舅姑曲意承歡內
外無閒言年七十以壽終矣陳尸於室已三日因家貧檢
具未備抵暮尸忽起坐舉家驚惶氏徐召之曰兒輩無恐

可急爲予造飯飯畢乃言日前三日有兩皂隸喚吾入冥司冥王詢余年歲曰已七十矣及查壽算適相符合又復查余終身行事吏曰其名下有一孝字冥王曰旣爲孝婦不得與常人例爲余延壽一紀後果如限而卒

申純儒妻姬氏主孝舅病篤夜起祝天割股以奉族黨賢之

張紹孟妻趙氏姑田氏有疾氏割股肉造飯食下卽愈

孫玉文妻李氏洋縣典史祚女姑宋氏患疾幾殆氏焚香祝天割左股肉以進姑病卽愈越十數年無知者後其母見傷痕逼問之乃聞於人

生員朱方來妻陳氏翁履中患疾危篤氏割股肉以進病
卽愈

王雙南妻徐氏姑常氏有疾久而不能飲食氏日以乳奉
之晝夜扶持未嘗少怠

邢健妻王氏祖姑年逾八旬奉侍不離左右後祖姑病篤
割股以進病獲愈其事翁姑亦孝謹和於娣姒爲族黨所
稱

宋在清妻郝氏因姑病危默祝於神割股肉雜麥泔以進
姑食之卽愈享年九十二歲

蓋生崔永祿妻陳氏翁病篤氏焚香默禱割股肉以進翁

病卽愈

監生劉守泰妻荆氏翁病劇割股肉以進越宿而愈

孝婦荆氏劉平之妻也姑久病割股肉以饋之遂愈

楊本元妻郭氏性至孝翁疾割股禱神翁疾遂愈其子孫亦多孝謹者鄉里以爲氏之遺教猶存焉

庠生李占元妻王氏孝事翁姑翁得末疾氏敬奉湯藥三年如一日繼姑亡所遺二子二女皆氏撫育之得以成立及氏之歿也四人懷其恩皆爲服喪三年

張兆麟妻申氏麟兄弟四人家中落多負債氏出儉貲俾其夫償之姑亡亦出儉貲以葬夫弟兆魁死妻劉氏依之

以守節育夫弟兆泰成立以孝事其翁入而不息

古全讓妻薛氏夫亡殉節乾隆三十六年學使嵩公表其門

監生王璠妻張氏乾隆六十年六月翁病醫藥無效氏焚香祝天割股以進翁病尋愈鄰里以孝稱

孟氏高濤媳嘉慶十九年翁病臥床不起危急之時氏焚香祈佑割股以進病遂愈

孟汝梅妻宋氏姑患瘵疾行如蛇蚓氏朝夕扶伺不避穢惡歷數年無怠容繼姑性嚴厲氏曲意順從翁年九十膳養得其歡心

正德縣志 卷三十三 列女
庠生古學弼妻劉氏姑病臥久而不愈氏焚香祝告願以身代不應乃割股奉之姑遂愈

素澄源妻李氏年二十七而寡孝翁姑和妯娌守節三十六年

武陟縣志卷三十四

武陟縣知縣王榮陸纂輯

釋老傳

二氏之學至今日亦已衰廢其徒率皆庸鄙好利不禁嗜慾適足以自敗其教求一祛俗清累闢空寂以明心性之人杳不可得見故吾嘗謂儒者之闕異端尙不如異端之自闕亦慨乎其言之也杜明蟾之奇跡爲邑人所稱述類似有道者夫人秉清淳之靈誠能外世守靜以養其天倪則隱顯倏忽何足異哉繙流數人亦稍殊于俗類故錄存其名

智海元孝子劉全孫聰慧達性一理至正閒詔問佛法開講於廬州明教寺一時名僧無不與爲比

慧裙不知何時人原籍隴西祖李公讓七歷仕宦因有西河之戚棄家遨遊抵於河干之邱閣鎮止焉構木爲寺嘗坐卧其中罕與人接久之其孫釋子慧裙自隴乘桴順流而下祝曰但桴屆於岸祖所在至邱閣境與遇朝夕

課誦潛心脩持後同

爲立公孫祠

道才姓馮氏隱峯其別號也天性仁慈自幼披薙有戒行無私欲爲僧俗之所敬服年七十坐化于郭村蓋華寺越旬日而蠅蚋不落人皆異之其徒德喜遂權厝其地

杜明蟾邱家莊人祖父皆儒生蟾少時于書無所不好精
史學慨然欲有用于當世天啟中客魏弄權聞楊左諸公
被禍遂絕意進取久之得古本參同契潛心玩味若有所
得家貧賣茶寧郭東門 求食者取與之有道士自羅

浮山來神骨清異暇蟾烹佳茗以進道士喜見其案頭有
參同契與講論益喜畱信宿遽出一編贈之乃張紫陽悟
真詩也曰熟此當了元牝之義自是遂畱心內學又數年
母死既葬而前道士適至引明蟾去去十七年無耗順治
三年夏有道人負籠入東觀音堂憩良久鄉老人諦觀其
面疑是明蟾因走告其妻子詢之良是鄉人聚觀咸勸歸

家明蟾無所答數人牽挽迄不能前籠中衲衣經卷蒲團
數事昇之亦不可動因其伴宿堂中詰旦失所在越三四
年脩武天門山西北龍潭村傳有道人來居跡甚異言貌
類似明蟾其子因偕隣人往觀果是山中人云村舊無水
每汲輒行三十里外道人指石壁處令鑿治得泉清冽而
甘山恆苦蛇虎患道人來不一月諸毒咸遠徙居村西石
室中數月不見其食人往饋食食輒兼十許人牧人戲以
大石窒其門堅不可動逾四五日見道人盥漱石澗濱走
視門窒如故啟視見道人跌坐巾履猶溼焉其子居石室
三日村人饋飲食甚恭初宴郭李心才朱綬皆名諸生

善明蟾已二十餘年不相見聞其異其走山中覘之因問
曰世果有仙乎顧何脩而得此曰子不見周濂溪太極圖
說乎無極而太極動而生陽靜而生陰一動一靜互爲其
根此順則生人生物爲世之常道顛之倒之卽道家之理
陳希夷刻其圖于華山矣萬物收歸太極太極歸無極此
逆則爲丹是爲仙道且子不見日月乎初三月出庚月受
明於日此坎離交姤得藥之象也望而月滿取任督之循
環此乾坤交姤煉藥之象也旣望而月之光漸減復還於
日是爲抽鉛添汞還丹之象也陳伯玉詩云大極生天地
又曰古之得仙道信與元化并晦翁注參同契每與蔡西

山論之惡在其無有乎二子唯唯歸而遽錄其語釋之不
能盡解明蟾居龍潭山十三年一旦別山中人去日將適
義眉謁吾師又曰爲語吾子其母死卽殮殮卽葬不可踰
一日恐小利存歿人遂去去五日而其子至山中人以其
父語告子歸月餘母死如言殮葬葬後一日隣人爨火
不慎延燒數家杜子之室蕩然以是益知其異也山中人
又曰明蟾每深更打石如拷拷大登山至絕頂轉之下
聲砰轟聞數里雖疾風雨未嘗息不知其何意明蟾初名
傑自居龍潭山改號明蟾至今山中人猶稱之云

覺德字大覺世號爲覺公禪師性慧直不自言爲何許人

有真貌約百歲上不同甲子終弗對初居城東後住錫聚
東峯頂脩廢補遺自奉簡甚誦經畢合掌打坐晝夜無寐
卧時一日告人曰老僧倦遊將歸淨土矣達旦坐化於佛
殿之西隅申詞馬維嶽爲之塔銘

明和尚不知何許人明鼎革後駐錫小董鎮之北嶽廟問
之闕其姓數稱明師傅云師恬靜寡色笑談人休咎多奇
神異之論勝朝是非及流賊情狀淚潄潄下道值婦女低
頭不顧居久之人謂其香自廟內來視之有珍珠顆一
道悉殿作眼藥其人謂之曰苦俗眼不慧儲此當佛家金
籠耳藥成納諸餅脂藏藥王殿壁中泥封之師不言人亦

武陽縣志 卷三十四
弗覺也化後折脩殿屋初啟覆香更滿院試諸目數效四
方來購者爭獲重寶焉師無弟子紹其衣鉢
索猶余林村人父歿隨母改適范氏母歿復歸幼癡瘖人
以饑名之及長無所依賴衣道士衣甚褻褻面垢鼻涕日
行乞四方偶語人以未來時節並置閤大小三五年内如
指諸掌歲旱獨腰繫一鼓爲諸村禱雨叩以雨期輒應人
以此神之故所至行乞往往任其飽餐而去卒於嘉慶初
年臨終語人曰吾其死矣自焚楮幣設奠祭潔衣冠寢卧
而逝

真於乾隆二十八年自宮求道在青祥庵能靜坐忘飢

不妄語不他出僧臘八十餘

道士邑西虹橋鎮人法名永赴生而岐嶷好奇書凡道德諸經輒一覽成誦少長有遺世志家頗豐不事生業遂出門莫知其所之越數十年忽羽衣道服劍佩而歸人異之未幾厭煩囂又往修武居平令寺靜修數年道不就聞蕪門山右有異人往投焉至則峻嶺疊嶂人迹罕到覓數日不得遙望白雲開處依稀有人坐於石室閒遂踉蹌而前見有人瞑目端坐側有草簣置書數卷而已叩之其人開眸曰吾早知汝來也遂師之數年一日其人曰汝宜還吾逝矣遂失所在因念母年老還鄉省視不復出棲於本

鎮關帝廟內一夜獨坐室中人穴窗視之見四壁火起道士赤身火光中警呼之道士曰爾誤吾事矣啟戶寂然後又爲洞於殿後冥坐其中輒數日不食亦不餓有人邀之遊山遇虎狼不避叩之曰如吾者何畏焉一日忽持蔬果供母前問之曰但食之勿問也固詰之曰吾羽化期也母悲痛少頃又至母前曰吾今日不死矣明年又如是及暮趨洞視之見其危坐而逝顏色如生此乾隆末年事也

武陟縣志卷三十五

武陟縣知縣王榮陞纂輯

志餘

志乘之例貴乎賅博徵文考獻畢藉乎此然冗襍則文體不尊無以信今而傳後其有一二軼聞或見于稗野之編或傳于故老之口雖無關夫勸懲亦足以佐譚議者無所附麗乃纂之曰志餘夫古之餘猶爲今之腴也汎覽之彥勤翫索于三餘其不以此爲不足觀也

山濤蚤孤而貧少有器量宿士猶多慢之年十七宗人謂宣帝曰濤當與景文共綱紀天下者也帝戲曰卿小族那

得此快人邪好莊老與嵇康善爲河內從事與石鑒共傳
宿濤夜起蹋鑒曰今何等時而眠也知太傅卧何意鑒曰
宰相三日不朝與尺一令歸第君何慮焉濤曰咄石生無
事馬蹄間耶投傳而去果有曹爽事遂隱身不交世務

語書

山公以器重朝望年踰七十猶知管時任貴勝年少若和
裴王之徒並共宗詠有署閣柱曰閣東有大牛和嶠鞅裴
楷鞅王濟剔騶不得休或云潘尼作之

世說

山濤領吏部潘岳內非之密爲作謠曰閣東有大牛王濟
鞅裴楷鞅和嶠刺促不得休

王隱
晉書

竹林七賢論曰濤之處

銓非望路絕故貽是言

山濤布衣家貧謂其妻韓氏曰忍饑寒我後當作三公但不知卿堪作夫人不耳及居榮貴貞慎儉約雖爵同于乘而無嬖勝祿賜奉秩散之親故

世說

山濤飲酒至八斗方醉帝欲試之乃以酒八斗飲濤而密益其酒濤極本量而止

向子期與嵇康呂安友善並有拔俗之韻其進止無不同而造事營生業亦不異嘗與嵇康偶鍛于洛陽同呂安灌園于山陽不慮家之有無

周保定五年姚辯隨上柱國合戰於武陟又於野馬相濟

正陽縣志 卷三十五
公建旆旋征攝弓言邁摧鋒接戰克著奇功

姚辯墓誌

開元二十八年春二月懷州武德武陟修武三縣人無故食土云味美異於他土先是武德期城村婦人相與採拾聚而言曰今米貴人饑若爲生活有老父紫衣白馬從十人來過之謂婦人曰何憂無食此渠水傍土甚佳可食汝試嘗之婦人取食味頗異遂失老父乃取其土至家拌麥屑爲餅餅甚香由是遠近竟取之渠東西五里南北十餘步土並盡牛肅時在懷親遇之

太平廣記

偃師黃大王生有河神之號順治七年沁河溢堤將頽邑人失恐河道終總鎮上麻急檄武陟令劉詣偃師登門請

滿隄防計神不來救莫符一 張命焚沁河堤上波瀾頓息
儀封張清恪公嘗因給假歸里奉 上諭親至武陟相農
形勢過 朝入奏

辛未之夏虹橋水災邑人郭汾有紀事一篇如聽風謠不
加文飾有聲有淚或泣或歡存之以見救災者不可稍緩
須臾而思患預防則桑土之稠繆尤不可忽也其詞曰吁
嗟乎沁河濱七十九處傷心藏大虹橋一鎮居民閏五初
旬湮塌田廬甚酷六月廿七漂沒人民尤慘維時初昏雨
下如注此夜將半河決排空上天下淵回流雨水河水真
辨卽在白晝亦莫能逃况值中宵更家所避其在老弱難

波逐浪積屍於巨壑深溝其在少壯載沉載浮攀上於樹

稍屋垮至於旣旦大雨妨倖各村庄墻倒屋傾俱有驚懼

之色大虹橋呼天叫地更多哀號之聲已侯趙公開馳赴

大虹橋堤岸自擊心傷爲之垂淚急索善泅者救渡一人

費錢數百自卯至酉約活百餘然此特後街一面水雖深

而非甚暴人力可通至於前街數處流至急而勢滔天非

舟莫達迨顧三公乘任四公經督船來救公具糗糧放手

冲流孤舟直入會橫流斷索而烝徒皆懼公心切拯濟而

獨立不驚越兩夜而救援之勞真至於忘寢廢食及三日

陷溺之衆咸登於彼岸高爾斯時宦裔王維鋪王維錦

與其伯叔兄弟各出酒漿通餉在林之饑餓而親疎一體咸造飲食用甦中澤之哀鴻而恩怨兩忘是固本忠厚之家法世德相承抑亦感趙公之仁慈上行下效然攸介攸止小民雖免陷溺之危而靡室靡家趙公尤厯安全之慮見其風雨莫蔽每一家按一人遍給蘆席二條知其饑粥無資大三斗小斗半各賜糧米一月至此點查烟戶計算存亡合鎮二百餘家率無完族老幼百十餘口盡投濁流更可傷者時秉炎九口之家而七口俱喪趙儀虎六口之家而一口僅存時秉炎負母而逃溺於樹下死屍猶負其母而不曾釋手江自造數口相攜漂沒五里大水冲散不

顧其妻只持其母幸而母子兩全斯二人者生死雖異報本則同所謂天理常存於此可驗人心不死自是足徵且夫天災流行原屬氣數之膏必非有意以虐生民而救災恤患用補造化之窮實本誠心以回天怒故在趙公當閏五月之災散財發粟身家有所不憂值廿七日之阨冒險履危性命亦所弗恤是真愛民如子而視國如家者也汾生長河濱族居澤畔屢見商羊肆虐曾無未雨綢繆之才數被馮夷爲災徒愧濟川利涉之具而乃於大虹橋河決顛末與夫諸君子救濟始終言之不厭其詳而道之必據其實者蓋一則憫被災之窮黎而同患之心不禁縷陳其

危苦一則感救災之循吏而攸好之性祇覺難忘其恩勳
且以告我鄉鄰與我族黨使之見災而知懼遇長而知敬
周急當如王維鏞王維錦無親無疎切匍匐之救遇難當
如時秉炎江自造可生可死篤天倫之親窮則爲孝子仁
人達則爲忠臣義士明則爲豪傑幽則爲神靈是固人心
之所同然尤爲予懷之所深契

辛未閏夏之災山水雨水併入沁水自澤州而下衝決漂
流無物不有或從沁濱拾取斷梗置之墻角黑夜光明投
諸水中倍覺燦爛一時驚爲怪異樵莊曰此夜光木也塞
外最多太行山亦常有之年深雨浥則燄爛生光如腐草

之化爲螢

趙公質齋內遷之歲古蓮花池道院中蠟梅一本三月開
花其香色皆勝于平日樛莊有詩賦之

武陟縣西街舊有關帝廟崇禎十七年二月間有兵至莫
不驚愕邑官士民謁廟求籤皆第四十八籤內云守舊莫
移又云不遇虎頭人一喚全家誰保汝重歡衆莫能解兵
至縣開城者王都尉衆人始知虎頭人乃姓王也迨七月
中 大清兵來衆又求第十九籤亦有守舊莫移之句後
果安謐

郭城內西南隅聚來峯頂石佛高八尺係隋朝大業間

霖秋水暴發西望四五里外有巨人坐水面上直抵峯巔
盤旋多時南面端然止於峯頂里人建殿四楹因名爲止
盤

寧郭鎮民李克新家素貧其妻鄒氏事舅姑曲意承歡內
外無間言年七十以壽終矣陳尸於室已三日因家貧殮
具未備抵暮尸忽起坐舉家驚惶氏徐詔之曰兒輩無恐
可急爲予造飯飯畢乃言曰前三日有兩皂隸喚吾入冥
司冥王詢余年歲曰已七十矣及查壽算適相符合又復
查予終身行事更曰余名下有一孝字冥王曰旣爲孝婦
不得與常人例爲余延壽一紀後果如限而卒

雜一里有十村共修二仙廟數楹相傳爲唐以前所建也
唐太宗征高麗過此糧偶絕神爲簞食東草以獻人馬俱
足且言曰吾當助帝軍威既至東國陳兵將戰忽有大霞
擊彼軍敗因奉勅修建封爲貞澤二仙此誠齊東之言也
郭婦申賀氏年逾八十五月中覺有小疾謂家人曰吾後
二日將乘許甥之馬以姪耀北爲御西歸矣至期氏卒許
甥之馬亦死耀北昏卧三日醒述於人果如其言

養生曾露字小楮無錫人余通家昆弟行也館於之武
陶父死星奔而南吾鄉人之客豫者南歸多附載河艘河
艘之大者任重千餘石棧二十人乘順流帆影絕駛日可
行三百里而貨直廉且罕聞覆溺者張因賃一艘載其囊
橐同行友則吳江龐龍樹陽湖丁澄鑑會稽陶本清上元
姚田龍也行六日甫抵鄭州之花園口忽見舟左右沙壘
而上汭舟不得行張猶以爲大河中舟常汭於淺灘無慮
也而舟子及挾重資之客則皆失色有擬盡沉所載者有
欲求救他舟者有向河神前稽首禱祀者議未定而舟之
首已深沒汝中矣俄而波高於山風厲若及舟中筐篋挾

溼而飛時龐危坐舟中曰生死命也吾亦順命云爾因囊重裹而閉其艙門陶立舟尾謀所以自脫而無從也姚則以病不能行謂張曰吾輩生同行死同難併命於此可乎張泣曰僕有老母年七十有七矣而父又卒僕死不足重輕獨何以爲母地耶君請自爲計僕不敢求生也因自解其上下衣留一袴二襪泗水欲赴南岸而重滯不能行武陟隸李繼芳者衛張南下時已卸衣持一篙躍入水中見張之溺而不能上也急呼曰解袴去襪張急切不能應繼芳急褻其袴襪而棄之因援以篙尾忽頽波突來擁覆得沉中流斯時茫昧中百無所計惟耿耿以老母爲念

更賊極魂昨亦暈絕矣逾兩時許乃甦始覺身卧菲席上
覆以布被前列三隅窻一熾火猶紅而圍繞前後則篙工
之未死者四五人及李繼芳也急問曰此何地對以隣舟
曰余何以得生對以前波甫平後波繼至湧君身近南岸
得力援以上耳因起視前舟則帆檣之見於水面者僅二
丈許而同舟諸子俱湮沒於急湍巨浸中已不知所之矣
張之兄曾謫前官懷慶府經歷奔喪後以官事重來武陟
聞之急具袍履食料車駟致之歸初張之欲行也無僕幕
中客孫嗣曾書張之兄曰君之弟雖老於行旅然迢迢二
千里隻身而行脫有緩急亦復誰恃且同行友若龐若丁

皆老矣勢不能相傾也無僕獨不可攜一隸人耶因命繼
芳侍行倉卒間遂得其力如此武陟令王榮陞篤於友誼
所以恤張者無不至且以繼芳之出張於死也使爲羣隸
長而厚賜焉人皆謂張之得免於死以以持佛經故呼吸
之間如有神助然余與龐龍樹交最久手持佛經一編日
夕研究且每飯佐以蔬果戒殺羊豕鵝鴨魚鱉蠹蚌之屬
十年矣豈神之靈爽有應有不應哉若張生者或以其死
生之際意不忘親一念之誠徹於冥冥神故憐而宥之耳
時余客懷慶太守王菊香先生署齋先生屬述其事如右

道光九年十月之二十九日也昆陵洪符孫記

武陟縣知縣王榮陞纂輯

序

順治十五年署武陟縣事全元樞修武陟縣志序曰文章
代有傳人典冊存乎掌故則史局而外所賴於志乘匪細
矣然考據弗精諮詢未廣荒蕪殘闕雖有志與無志等矧
煌煌 大清之興一切曠典咸爲修舉而郡國未報成書
又何以煥鉅麗之觀揚太平之盛也哉大中丞用是諄諄
傳檄撫屬若府若州若縣俾各纂修共圖不朽元樞適承
乏署武間命凜然作而歎曰我公用意勤矣忝爲長吏其

敢隕墜貽羞爰集羣彥載筆相從徧蒐勝國逸篇詳輯

熙朝徽制凡星躔疆域山川人物以及貢賦風俗與夫碑
銘歌詠逐類分門一一確攷昔志之所畧者務爲增之近
事之未入者務爲補之雖云舛淺無當史裁於以備採擇
而文固陋或亦少遺曠缺於萬一邪憲檄有云各府州縣
之有志也其所紀載不越提封四境之中而實能備國
史之所採擇猶大宗之有小宗焉猶江海之支流山嶽之
嶠阜焉旨哉言也尤爲切喻元樞藉此一編將効奔走於
主鬯助涓埃於高深矣役竣稽首永佩公之懿訓

康熙三十年武陟縣知縣甘國埒重修志序曰邑之有志

也非徒以備觀美侈記載已也蓋自錫圭告成聚金鑄鼎九州之分野以別土田之高下以差貢賦以式井畫以均神姦以辨而愛養斯民之道準諸此矣後世書契漸繁職方備錄而入疆行慶紀巡狩之文歷國採風備輶軒之述故自躬桓蒲穀之所守畿甸要荒之所屬莫不隸入版圖瞭若列眉於以供太府之藏儲王人之攷典綦鉅也夫爲治若爲醫然審表度裏而不識一身之脈絡醫之庸也受職分猷而不識一方之脈絡治之棄也武陟彈丸邑而列於九宇是亦潢澗之支津嵩嶽之析派將必仰承俯育以自運其脈絡焉曾受職分猷而可昧昧處此乎我大中丞

閻公奉

天子命撫視中州殷懷掌故毅肩修明檄行郡縣飭自順
治己亥以後舊志殘缺者補之己亥以前荒謬者較之頒
行條例咸使畫一蓋將自縣而郡而省總期必信必徵以
俟採擇以垂永遠意莫隆於此而任莫重於此矣國域不
敏捧讀嚴檄惟惴惴是凜乃選館局延紳儒碩士因其舊
書輯以新事計纂述之功猶省而討論證據期不負大中
丞修明之意者所賴諸同志思過半矣書成凡疆域建置
職貢典禮官師選舉人物藝文志有八條分之中復縷縷
濡其大綱大目皆創自昔人非能別爲標新取異也惟責

所欲抒不欲以葫蘆塞責則括見於凡例十四則中蓋國
垓與諸同志之爲此也非敢以躁心居之懼其粗而不覈
也非敢以矜心出之懼其私而不嚴也殫詳慎以極蒐羅
是國垓與諸同志之所共矢者耳嘗論上古備史而不稱
志司馬氏作本紀表世家列傳而不作志自扶風前漢書
作十志後漢范氏令謝儼作志而未成至晉陳壽乃作三
國志嗣晉南北朝隋唐五代宋遼金元諸史各有志然
則昔以分志列史書之中今以合志預史筆之需雖志在
一邑而土壤細流同此彰往詔來之意而已國垓幸從大
中承後得與諸同志以數閱月居諸旣近取於三十餘年

以後未修之志復遠稽於三十餘年以前既修之志披圖按籍固無觀美足以動人記載足以示博而此一方之脈絡則已歷歷可觀俾生於斯哭於斯聚國族於斯者庶得識先疇而敦世澤而張弛異勢緩急異宜者亦未必不準乎此方隅雖小宜求治者所必詳也是爲序

又邑人王化鶴序曰寓內之州有九而豫居其一豫之郡有八而懷居其一懷之縣有六而武居其一武於懷號葛爾邑其於豫於寓內又不啻彈丸黑子矣欲以邑之所有志之所紀於懷於豫於寓內較重輕焉勢必不能然謂邑之所有志之所紀於懷於豫於寓內無關重輕焉勢又不

河昔三代之功爵土也大小相維犬牙相制彭濮微盧咸
登王朝之版邨鄘唐魏竝陳列國之風疇謂藐茲一同遮
可畧而弗詳歟我 國家混一寰區幅員旣廣將總寓內
職方彙爲成書而我大中丞閣公復輯郡邑紀載纂成豫
志以贊襄 盛典邑令甘公奉令唯謹力肩其事博採文
獻設館編輯武雖僻壤亦爲方百里茅土攸分廣袤以陳
則有疆域土寓旣奠經始聿新則有建置任土則壤惟正
以成則有賦貢土愛心臧養立教興則有典禮政教攸敷
得人以理則有官師治化翔洽人文蔚起則有選舉有人
物有藝文之數者何非邑之所有何非志之所當紀者獨

是武之舊志多所缺畧近今之事失於紀載考之弗確者不足徵信於前也載之不實者不足傳信於後也時異勢殊或昔無而今有或昔有而今更者不可因陋守殘而闕焉罔稽也是役也寧嚴勿濫考之確矣寧直勿誣載之實矣寧覈勿漏稽無關矣而予於此更有進焉志疆域非徒覽境物也將以圖保定也志建置非徒侈土木也將以昭創垂也志賦貢非徒便催科也將以示調劑也志典禮非徒列儀制也將以責優敷也志官師非徒紀姓字也將以垂鼓勵也志選舉志人物志藝文非徒榮車服闡幽芳燭翰墨也將以彰靈秀之所鍾毓英華之所煥發而培養篤

厚之勿替也其於攷古證今彰往詔來庶幾其有裨乎予
以養疴里門不預外事獨乃嘉茲盛舉勉搆鉛槧從諸君
子後以樂觀厥成將以邑之所有志之所紀登之於郡則
爲懷之所有進之於省則爲豫之所有廁之於九州則爲
寓內之所有一日者

聖天子南面而陳方物披輿圖武邑雖小亦得附登版陳
詩之末而竊比於彭濮邨鄘之義卽謂蕞爾彈丸竟於懷
於豫於寓內較重輕焉亦無不可予備員史職又將珥筆
而颺其盛矣

乾隆二十年武陟縣知縣查開重修志序曰圖志之作所

以辨邦域都鄙人民財用之數而其先後緩急與輕重之
序則又因乎其時武陟之河防關於國計民生甚鉅田
賦則賦役全書已備載之宜詳而詳宜畧而畧此其大凡
也然而不摭摭則失之疎不修飾則失之蕪皆不足以信
今而傳後余之固陋何敢輕言修志又何敢輕言作叙而
不能已於言者蓋深有感於事之成不成係乎天亦係乎
人而不可強也歸安麟度陸公爲先大夫同年好友其宰
儀真也始到官蓄意修志逾年而未克舉會已得徵因汲
汲成之其自叙有云國有史郡邑有志推極論之三才之
道備千載之迹存非細故也余之蓄意修志妄希陸公乃

蘇未成而解組自悔踐跽而猶幸王侯牧伯之能任此事也蓋亦知此事之有裨於政理而非徒視爲具文也且以成人之美不欲敗於垂成其立心之厚爲何如邪侯以世家貴胄學有本源衡鑒精而化裁定又能取賢以共相商權信之專而任之重其識量已過人遠矣前明李公日茂青縣進士自修武調武陟剛斷有爲遷擢御史通志載之武陟縣志昉自李公雖卷帙不全余從邑人購得一冊珍惜之深蓋無異殘碑斷碣也今王侯以進士出宰由修武調繁皆與李同其剛斷有爲亦畧相如而重修縣志更可謂前輝而後映焉世嘗言古今人不相及由今觀之同邪

否邪乃余重有慨者則以六十餘年不修之志而一旦告成待其人不可謂非天也六十餘年之中如余之欲爲而不能成又豈少也哉三載之考猶虛百里之寄已負此余之愧也千載之蹟猶存三才之道已備則余之志焉而未逮者也若夫詳畧合宜則余亦嘗論及之而不濫不遺且無踈蕪之病可以泯議息譁則又余所爲王侯稱慶者也
是爲序

乾隆二十一年武陟縣知縣王靖續成查志序曰懷縣之昉自尊懷稱名最古陟州之復爲武陟沿襲至今編入版圖正在大河畛上輯成縣志蓋從萬歷年間 昭代重修

尚餘靈簡才人繼起豈乏鴻文迺堂上鳴琴難得繙書之
暇雖窗閒弄筆每嫌判牘之忙梨棗猶存豕魚不改暫時
煤印常日塵封惟晉謁上官執簡儼如載贄而視爲俗例
抱殘却亦貽芳當此車同書同行同修志已成一統因其
見異聞異傳臚作史必具三長代是唐虞祇覺昇平有
象地非杞宋敢云文獻無徵此查侯爲政心閒紛披朱墨
而沈子陳書手訂羅列丹鉛者也惟余調任以來非無採
訪且人樂觀是舉頗有因緣物換星移嘉績雖多湮沒雲
蒸霞蔚奎章正復輝煌仰旨觀於天文俯以察於地理
當思人事之宜修下以貢諸朝廷上以沛諸田野亦望

物生之善養考累朝之沿革都 盛世之規模昔已衝繁
近多建置嗟哉城闕尙期俗易風移仰止宮牆正喜禮明
樂備薦馨香於祠墓豈惟入廟而敬過墟而哀表形勝於
山川又將望古而思登高而賦嘉祥協應賦役平均方幸
黃沁之安瀾而隄岸頻修河防爲重且置郵亭於寧郭而
芻糧多費驛餼宜裁學古入官每念服官之不易明經取
士可知造士之甚難備載志書用垂法戒卽此官師選舉
又分名宦鄉賢至如人物藝文亦具言坊行表嘆貞姬之
守禮旌其節以發潛彷彿太史之陳詩識其餘以備採總期
慎重罔敢怠荒述所聞而質所疑畧同論贊言之重而詞

之復不贅姓名文書燭治之餘再加拔簡燕寢齋疑而後
三復思維夫以舊令尹草創於前新令稍加補輯且以郡
志書纂修在邇縣志急欲雕鐫大懼因循尙虞鍊漏奉遠
猷以辰告官 聖諭以寅虔 宸居之宵旰憂勤智周海
寓憲府之旦明惕厲念切封疆此兆姓所共聞亦小臣所
謹稟者也忝焉從政漫言政事之繁偶爾談文深媿文章
之短若夫藝林有曜賴哲匠以增華亦惟賓館無私懲陋
僑之失實許誰謗議轉自慚惶不揣荒蕪聊題駢語以抒
臚臆卽當弁言

道光八年武陟縣知縣王榮陞重修縣志既成其敘畧曰

大郡邑之藉乎志乘者所以端臬疆索牖析川原闡人事之紀究物土之宜昭俊民之行網遺逸之聞使咸秩而弗晦以範居人之性而通其情其稽往證來則與信史相爲表綴故懼其誦訓之失職也則有私家之述載又恐其謾衍軼矩也故司牧者及時修輯以仰承夫

令甲然而不得其人則冗沓渙認同於胥史之籍爲學士大夫之所棄蕪散既久而文獻隳亡於是嫉惡無所徵政教無所萃如幽夜而去其燭火之明習冒悒悒卽於荒殆是可感也武陟之志始於明李日茂其書已佚

國朝康熙二十九年邑令甘國棟修之擇焉不精謬者不

薛再修於乾隆二十一年邑令查開聚筆未竟繼其
主靖始續成之簡核頗當惜板冊皆廢今存者獨甘志耳
榮陞以閭閻陋才受糈斯邑亟求舊章庶有師程既弗副
於厥懷惴惴以慄乃詢耆碩之士博采於鄉歲野諺覈其
見聞汰其異說以授簡於友人方君履鑫精志刪採再葺
而成凡得書三十六卷有圖有表有志有傳而冠之以

聖製

聖製篇者顯

慶雲之鴻藻敷

睿治之不烈煦諭元元使處於葦屋之下得諡

正陽縣志 卷三十一
覆幘之穹厚燭如九陽潤如時霖靡幽不屆靡生不育臣

雖無載筆之職而樂與一邑黎首渥斯寵榮是以鼓舞宣
陳於首章也圖之目十有縣境圖有沁河圖有丹河圖有
縣城圖有里鎮圖有公署圖有學宮圖有書院圖有武廟
圖有嘉應觀圖表之目三有紀事沿革表有職官表有選
舉表志之目十三有疆域志有山川志有風俗志有物產
志有祥異志有田賦志有河防志有建置志有學校志有
祠祀志有兵防志有古蹟志有經籍志有碑碣志有文詞
志傳之目十一有名宦傳有先賢傳有耆舊傳有孝友傳
有義行傳有忠節傳有隱逸傳有流寓傳有藝術傳有列

史傳有釋道傳凡諸圖者規畫區域橫列畛畦陵麓不易
其方郭郭不愆其度因近以綴遠托小以著大綺錯星離
筓指布掌受政之位形焉侑神之宮象焉使人守迹周覽
如鑿於澄水而無渙愒之患入其疆則知四陬之延袤遊
其都則知衢舍之偕向登其庭則知簿領進退之所由賓
僚宴息之所處若是者皆得之於寸簡而不差夫毫黍者
也是放準循繩而無不當者也紀事沿革表者所以鏡往
紀之治亂辨封圻之析合惟昔覃懷以領州治旣遷旣剖
乃爲屬邑安昌更於隴武陟肇於唐端緒以明繁鉅不遺
比於史公之年表而千載可稽也綱舉條繫畢見於是矣

職官表者所以溯設職之初典城佐治各有攸責居位之
久暫考最之黜陟序厥爵里而采善鉏醜之意寓焉夫駿
蹇在樞羈勒無以殊松栲植野苑枯無以異知其材用則
淑慝彰矣故名之所存實亦不能掩也選舉表者秀孝充
賦之士出爲時禎居爲民表惟三適之選以貢於 王廷
而茅茹之升光於厥邦自漢晉徵辟唐宋科目求賢之典
至我

朝而克備士有去輿潔而釋蹻者其綴於是篇也其彩爛
然若編貝矣疆域志者鉅贏縮之壤條衝塞之術明比閭
之法聯里黨之情中望助之義保唇齒之固使夫萬家之

邑如就平準而左撫右藉不待下堂而紛然莫紊者也山川志者舉其巖陁獻鎬之阜鴻川滔漾之津足以興雲雨潤土膏不童而用贍不弊而養足者究其支絡通其源注使人企焉挹焉而知燥溼之宜崇庳之數不可惑以軌不可隄以險也風俗志者考方辨名端好祛惡類民物之思攬習尚之祿務卽於聖道同風而化其佻陋厥有禮節奢儉之不齊者循迹以書且繫夫規誠之說所以使人守樸補偏而求隳枯之益也物產志者所以覘寒燠之化無形也磽陁之植相踣也灌溉之滋異長也勤惰之農殊穫也布三務序五種君子諮於耒民而能督教之使先本而後

末賤貨而貴穀至於珍藥之彙茜菜之采則以待四方之
求焉祥異志者所以占五行之變陳六沴之警日星薄蝕
陵谷震盪之咎霜雹水旱蝗蝻疾疫之灾是豈區區一同
政令之所招弭而眚戾所至民命是繫防患於微宜慎思
也若夫室有鯁齒之老媵有連穗之穎嘉徵迪和以瑞

盛世此尤不可畧也田賦志者所以定則壤之經析鐘釜
之祿春斂其庸秋稅其畝丁戶有籍蠲恤有記使民知耕
鑿之樂以效輸將之事而沐 仁澤於無涯也使司勸課
者知勤以約之勿有所逋責以虧夫正供也河防志者前
瞰大河中澈沁水流潦之環形如埒印是在樹板分崖查

耕填淤使隄有金石之堅防無絲縷之罅則腴田辭於
鹵而黔首於以永謐也明使之籌察 廟堂之碩畫時慮
於斯况小宰之案行渠瀆而敢忘夫澹菑之備乎建置志
者垣墉興壇壝虔庠黌設寺舍備倉庾啓杠梁鞏命於司
里載葺載治役三時而不害作百堵而忘勞蓋茫民陳教
之次尙乎整飾而貲費固仰給於水衡也以律乎斯邑則
湫隘廢闕之待新者實繁且鉅矣昔所措置猶可得而詳
也學校志者所以甄雋敏之材使游詠於禮樂之庭而範
圖其逸志也所以昭先聖之矩矱四科之緒以陶鑄天下
而納之於軌物也所以贊時邕而隆文治使有司得奉典

禮登降獻酢佾舞雅歌而奮興於龜藻之化也其棖柙之儀有所考而干籥之事有所守也祠祀志者所報之誠也土發而刑納牆而蒸所以享先農也釋奠釋菜所以敬先師也廢縣浮沈所以禱山川也禮曰失其義陳其數祝史之事也故其數可陳也其義難知也俎豆犧牲黍醴祝帛之數畢陳而洞潔以思祭義則存乎其人也兵防志者國家文武之制以相鈐衡郡縣之內皆有戎政下至亭墩咸置卒伍以望伺非常察詰奸宄上下統攝威令自行主客相倚呼警罔息此雖用武之國而恬熙已久鳴鏑不聞遂若守禦之爲虛置也然而奮銳訓練之不可一日忘也

世蹟志者所以寄幽情於巖壑蕩逸襟於池榭同巨源之
故里訪子期之遺蹤竹徑流連沁園憑弔至於梵隱祇洎
金庭河室客化鶴而未歸鉢繞龍而應召皆可追述遐風
聿傳名勝也經籍志者同傅元四部之論擬班氏藝文之
志虛牢佯考抄據緜細條其篇目撮其指意雖一家之說
雜流之言皆有取焉所以使人博聞釋疑抱殘守闕求瓌
瑋之秘文毋弁髦於緒論也碑碣志者搜采銘記之垂於
貞珉者以觀古人之遺跡大者足以補史乘之漏其斷石
零墨亦可徵軼事表芳躅昔人撰錄中州金石茲邑獨鮮
故爲之剔蘚扶沙以僅存其一二也文詞志者綜毫翰之

洪輝導英辭之縉旨揚風醜流般仁敷義抒景物則飛塵
麗於閩風詮品藻則人倫超乎鄴下然文豔而用寡者猶
多從乎逸篇必也彭瘳有倫典實所寄擇其言之尤雅使
人知植德修辭之兼尚則庶乎其可也名宦傳者爲夫墨
綬之長舉其良師也蘊貞敏之性識寬猛之宜去其蠹而
授之衽解其劍而帶之笏以儒化惡以威克暴不必遵古
循茂之轍而蚩蚩者心一首戴斯亦足以全功成名矣先
賢傳者鴻儒偉德生必閒世舍山澤之淳英標流俗之絕
軌昭於青簡延於葉語使人低徊瞻慕懷景行而有願於
執鞭也餘風緒論之不泯者必其鄉人始能詳之或將有

補斯編也耆舊傳者矩領方聞束修厥躬言則成文動則
成德在邦家而必達守壇宇而不移使潔志者有所宗瞻
馳者有所畏在昔欽賢之長所爲表通德之門配縣社之
食也泐雅操於勿諛而軾問之敬申焉矣孝友傳者樹訓
之本必先於門庭苟能無違色養克恭天顯殫洗腆之誠
敦角弓之誠至和既格百行斯融自使囂陵之氣不興肫
厚之風日萃某人在阡陌之上而貴逾於魏闕之下金管
所述斯其首乎義行傳者子思子之言曰修善欲人知之
譽之是爲善有勸也人莫知而受毀此所不願而不可避
者也若夫滋滋爲善而曰不欲人知恐人之譽己者非虛

則愚也及於後世賢知之過律人以爲善而晦其名是過夫趨義之心也故兢兢於一端之懿行由閭史以達其名所以教任恤也忠節傳者當隆汗遞嬗之運處疆場鬪爭之會奮身以衛衆麤骨而不悔是可以與斯土共永者也吾閱唐書而得一人焉附以近世俠烈之士以增舊乘之漏隱逸傳者嘉邈自放不因世爲推移彼實憚仕進之栖屑慕林谷之恬和默聲聞以養天倪所處不必幽遠而脩然自遠者也誠明其意則可以消悔吝之衷箴榮勢之汨使人有安負樂道守志不辱之概宏風教者所當重也流寓傳者聞莊舄之越吟逢梁鴻於客廡故都之懷已渺遠

游之樂自永豈必擁腫與居。執掌爲役而後見畏。墨大穰
乎是可援僑郡之篤使人不忘其本也。藝術傳者九九之
技進而桓公築臺偃師之巧呈而穆王虛乘故曰人之無
所能者不能與之處也。至於蠡卜筵專風角鳥言及處方
決脈之良皆有軼乃精慮以濟世用其震名於一方也。宜
矣列女傳者所以耀閨閣之仁區風烈之嫩女德所尙固
非一端所謂哲婦隆家人之道賢母篤義方之誨皆足以
綠彤管隆世典而柏舟之操古所希覩今則繩樞單婦咸
恥更適非禮教修明之時曷克臻此所宜亟爲闡揚也。釋
道傳者其人率以遺得喪一死生爲卓行不謀世之稱耀

而好奇者每喜舉其跡以相詫說中代國書亦不廢焉豈
非空有兼遺亦足以使人清心釋累乎著此以見道之廣
也蓋欲察方員周匝之象藪澤經緯之詳非圖無以瞭焉
欲稽世會屯亨之運官常造士之階非表無以差焉欲知
名物簿會之數法度簡密之原非志無以釋焉欲聞黎彥
婷節之芬潔衷修能之履非傳無以哀焉四者既具而復
糾之以志餘志餘者所以補其不逮充之以鴻衍之文博
而綜之雖奇而不背於經亦可以參互考覈焉猶侏儒構
榑之村皆公輸之所取也然後宣其要隲總其紀綱引而
伸之不避複沓以自明其意使後之蒞此者求先典而秩

如膏民禱而允釐存者勿虧來者可續莫歷陳教以飫民
而欲百務條邇而輻輳如百川之貫於江河無不滲漉巨
海之滂人周爰之善游愚者致思之益乃爲敘畧一篇以
概夫三十六卷之杪焉嗟乎武陟之爲邑千有餘載其典
章謨訓之就湮者不知凡幾今乃因陋就簡泐成此編文
不敢慕夫高潔也惟求其賅博辭不敢尙夫華縟也惟取
其微信事不敢專企夫雅峻也惟重其足以敦勵浮俗爰
乃蘇援衆務窮道本末後有曠才哲士知言之選必能實
事求是以救余之踈舛是所深幸也夫服劍者期於鉅利
而不期於墨陽莫邪鼓琴者期於鳴廉修營而不期於濫

五陽集元 卷三十一
三十一
脇號鍾則余雖未能習是勝非文質相副亦諒其典實所
存出於研摩綜括不以近而忽之也